




存抄
一冊
集甲前文同下天




近代儲藏家惟葉文莊菴竹堂書目有**世宗**一冊可知
五十卷之外未必再有乙丙諸集也錢虞山編列朝詩



以前甲為冠意本是選余於癸未九月後汲古後人
借抄時家竹垞先生宮吳蓋三寄書懿之始得一磨
耳原存缺十數命堯之從補完矣花山馬贊識
姚牧菴全集已不可見是集所載大半中州文表之漏
者較閱一過為喜而再後之寒中



天下同文集



唐劉夢得叙柳子厚之集曰文章與時高下政

五嶽之氣分大音不完故必混一而後振作者概以

獨嘗謂夢得之辭則高矣美矣以其昔者者擅則蘇徐乃昌或書時

在貞觀開元間其皆稱歐虞褚薛最後稱蘇許大手筆今其天

可觀也及貞元、和來以韓柳著比至德為盛而去混一之初

則有間矣才未必皆福、亦自掩其才因使人思易所謂吾人

辭寡者其福未易量也此則所謂皆也吾取以叙周南瑞所刻

天下同文集甚宜嗚呼文章豈獨可以觀氣運亦可以論人物

予每讀漢初論議盛唐詞章及東京諸老文字三千年間混一
盛昔僅此耳彼乍合暫聚者其萎弱散碎固不得與于斯也然
此盛昔作者如渾河厚嶽不假風月為狀如匡松曲柏不與苑
卉爭妍風氣開而文采盛文采極而光景消夢得之言之也不



自知盛者已及于極也方
今天治方張混一之盛又開闢所未嘗有唐蓋不足為盛縉紳
先生創自為家述各為厥功德編摩與詩書相表裏下逮衢謠
亦各有烝民立極之學問南瑞此編又得之鉅公大筆選精刻
妙則觀于此者豈可以尋行數墨之心胸耳目為足以領此哉
自文選來唐稱文粹宋稱文鑑皆偉然成書他日考
一代文章者當于此取焉大德甲辰第一甲子日叙

天下同文總目

卷之一

制誥

卷之二

表牋

卷之三

獻書

卷之四

歌頌

卷之五

記

卷之六

記

卷之七



南陵徐乃昌
校勘經籍記

卷之八 記

卷之九 記

卷之十 碑

卷之十一 碑

卷之十二 碑

卷之十三 序

卷之十四 序

卷之十五 序

卷之十六 賦

卷之十七 賦

卷之十八 論

卷之十九 傳

卷之二十 書

卷之二十一 書

書

卷之二十二

啟

卷之二十三

牒

卷之二十四

狀

卷之二十五

議

卷之二十六

說

卷之二十七

說

卷之二十八

贊

卷之二十九

贊

卷之三十

頌

卷之三十一

箴

卷之三十二

銘

卷之三十三

題跋

卷之三十四

祝文

卷之三十五

祭文

卷之三十一

祭文

卷之三十二

辭

卷之三十三

墓誌

卷之三十四

墓誌

卷之三十五

墓誌

卷之三十六

雜著

卷之三十七

詩

卷之三十八

詩

卷之三十九

詩

卷之四十

詩

卷之四十一

詩

卷之四十二

詩

卷之四十三

詞

卷之四十四

隨所傳錄

陸續刊行

廬陵周南瑞敬輯

天下同文前甲集卷第一

制誥

建國號制

上天眷命

皇帝聖旨誕膺

景命奄四海以

宅尊必有美名紀百王而紀統肇從隆古匪獨

我家且唐之為言蕩也堯以之而著稱虞之為

因之而作號馴至禹興而湯造立名夏大以殷中世降以

還事殊非古雖乘時而有國不因義而制稱為秦為漢者

蓋從初起之地名曰隋曰唐者又即始封之爵邑皆狗百

姓見聞之狃習要一時經制之權宜槩以至公得無少貶

我

太祖聖武皇帝握軌符而起朔土以



徐乃昌
馬韻芬
夫婦印

神武而膺
帝圖四振

天教大恢土宇興圖之廣歷古所無頃者耆宿詣
庭奏章申請謂既成於
大業宜早定於鴻名在古制以當然於

朕心乎何有可建國號曰

大元蓋取易經乾元之義茲大治流形於庶品孰名資始之功
予一人底寧於萬邦尤切體仁之要事從因革道協天人於戲
稱義而名固匪為之溢美乎休惟永尚不負于授珉嘉典
敷天共隆

大號咨爾有衆休

予至懷故茲

詔示想宜知悉

至元八年十一月

大成加封制

上天眷命

皇帝聖旨蓋聞先孔子而聖者非孔子無以明後孔子而聖者
非孔子無以法所謂祖述堯舜憲章文武儀範百王師表
萬世者也

朕纂承丕緒敬仰休風循治古之良規舉追封之盛典如號
大成至聖文宣王遣使闕里祀以太牢於戲父子之親君
臣之義永惟聖教之尊天地之大日月之明奚罄名言之
妙尚資神化祚我

皇元主者施行

資善大夫中書左丞集賢大學士兼國子祭酒教領
大使院事許衡贈榮祿大夫司徒謚文正公制

上天眷命

皇帝聖旨維昔

聖祖圖任相臣思與真儒共成治效故資善大夫中書左丞集賢大學士兼國子祭酒教領大使院事許衡以天民之先覺膺巖石之具瞻聖學方湮惟洙泗之源是泝嘉謨入告非堯舜之道不陳斥姦志靖於熙朝辭祿不忘于耕野迎推日策明曆象以授人皆樂育英才居成均而教胄子乃矐鈞樞之列益昭模範之功永惟

裕考之師賓恭被

慈皇之渥命爰申卹典用賁玄扃道德博洽斯謂文中立不倚斯謂正既嘉名之載易仍公秩之榮頌尚其有知服茲無數可贈榮祿大夫司徒謚文正公主者施行

資善大夫中書左丞集賢大學士兼國子祭酒教領大史院事許衡妻敬氏追封高陽郡夫人

上天眷命

皇帝聖旨家人位乎內易存中饋之辭婦爵從其夫傳著小君之號故資善大夫中書左丞集賢大學士兼國子祭酒教領大史院事許衡妻敬氏儒宗作儼儉德是躬由畎畝而踐台司不易如賓之敬建蕃而榮世祿式彰教子之儀門風已歷于清華閨範罔愆於平素眷芳猷之未泯宜卹典之同加其疏列郡之封爰示九泉之賁可追封高陽郡夫人主者施行

翰林院學士承旨資德大夫知制誥兼修國史領集賢院事致仕王磐贈榮祿大夫少保謚文忠公制

上天眷命

皇帝聖旨崇德報功恩靡忘于先正易名節惠禮具載於彝章故翰林學士承旨資德大夫知制誥兼修國史領集賢院事致仕王磐志大以剛識明而遠惟根本培植于內者確乎不拔故英華發越于外者煥乎有文出處無愧於心窮達不易其守潛知逆覺星言發青社之機力折姦謀露奏

重紫薇之柄出乎蕃則用蘇民氣入視艸則允契
宸表贊大議于廟堂播清芳于簡冊諫止東伐奮不顧身
復建外臺毅然抗色是以

皇祖篤褒嘉之眷

昭考垂寵錫之勤政有待于乞言何屢陳于謝事榮歸梓里庶
衍椿齡朕方嗣服于丕基天不憖遺于一老追惟徃行惕
用興懷俾超進于孤卿仍具頒于罷教於戲千古淵源之
學茂以踰修一生忠孝之心諒無愧軾頽二賢已膺于美
謚而兩字宜比于前休精爽如存欽承不昧可贈榮祿大
夫少保謚文忠公主者施行

翰林學士承旨資德大夫知制誥兼修國史領集賢
院事致仕王磐妻高氏追封太原郡夫人制

上天眷命

皇帝聖旨殷周命婦之官禮均夫秩春秋小君之號体並公尊

眷我舊臣為時宿德既厚褒崇之典宜加伉儷之稱故翰
林學承旨資德大夫知制誥兼修國史領集賢院事致仕
王磐妻高氏淑善其身柔嘉惟則藹若出詩書之習蕭然
形荆布之風服曹氏之訓而勉勵芳猷處齊城之難而益
堅素守朝夕有相成之道始終全偕老之榮宜沛新恩式
昭潛懿可追封太原郡夫人主者施行

昭文館大學士正議大夫資默贈榮祿大夫司徒謚
文正公制

上天眷命

皇帝聖旨傳經明道既輔立

太平之基崇德報功烏可後非常之典故桓傳致臨雍之
敬而甘盤勤懷奮之思古今雖殊典秩不異故昭文館大
學士正議大夫資默業尊周孔學際天人詢治体以綱常
為先論人臣以功利為末侍謀

帝幄剴切多文貞之風論相中書慷慨有陽城之烈而又三代
建國明論是先惟西池儼鸞羽之儀故東序擴文人之化
風移俗易一變虛文地闢天開載明正學乃瞻
西朝之耆德寔為

先禰之宮師稽攷規模多寤風采是用榮分三事光融
邦教之階

恩賁九泉瀟洒玉堂之契有來英爽服

我罷靈可贈榮祿大夫司徒謚文正公主者施行

昭文館大學士正議大夫竇默妻賈氏封扶風郡夫
人制

上天眷命

皇帝聖旨天人之際若勿可知禎祥之來各以類應凡祖宗父

母尊榮壽考未有不以善而致者故昭文館大學士正議

大夫竇默妻賈氏婉從清望嬪我儒宗恭儉以相其夫勤

恪以勤其子珩璜中節藻荐多儀清白傳家管彤有煒且

爾沒夫之貴罷膺華郡之封

竇誥副珈服

我休命可封扶風郡夫人主者施行

翰林學士承旨中奉大夫詳定禮儀事姚樞贈榮祿

大夫少師謚文献公制

上天眷命

皇帝聖旨昔

皇祖膺千齡之運為

有元立萬世之基崇英逸偉之兼收品式儀章之具舉誰其尽

瘁

朕切興懷故翰林學士承旨中奉大夫詳定禮儀事姚樞才瞻

而通學醇而正從容中理有鎮浮靜泰之風懇款敷誠皆

經國撫民之樂筴若掌中之分域凜然堂上之奇兵謂帝

德莫大于好生而王政必先于務本江淮不殺開九州混
一之端闕陝興農兆率土富安之象建侯置牧分立等威
酌古準今總裁條制功獨高于佐
命治儼格于升平頌將來
垂統之規皆前日用儒之效
儲端首建亦惟

裕考之賓師

恩教宜加恭被

慈皇之明訓是用申其命秩正乃鈞垣賁錫殊稱益彰褒序于
乎

溫詔再三存問示眷每特異焉

同心一二老臣于今不復見矣尚其英爽歌此寵靈可贈
榮祿大夫少師謚文獻公主者施行

翰林學士承旨中奉大夫詳定禮儀事姚樞妻宋氏

追封吳興郡夫人制

上天眷命

皇帝聖旨昔宋文宣君傳其父學桓少君躬行婦道皆足以為
萬世法故翰林學士承旨中奉大夫詳定禮儀事姚樞妻
宋氏稟厚賢明早習家訓與文宣君同宗執饋中堂始終
以禮儼之少君則無愧乃夫以耆德雅望為

先皇潛邸之佐

昭考舊學之賓勲業在

國史德澤在人心又非鮑宣可比

朕圖所以勵群工而為內則者惟爾家兼有之追錫殊稱用光
來裔可追封吳興郡夫人主者施行

天下同文前甲集卷第一

天下同文前甲集卷第二

表牋

中書省進賀

元旦表

翰林直學士奉政大夫知制誥兼修國史臣

王德淵

伏以三陽開泰春不待于郊迎四海會同禮無先於

朝賀臣某等誠懼誠忤頓首頓首欽惟

皇帝陛下躬修玄默

總攬權綱

孝心隆福於

慈宮

德量推恩於

藩邸

宗親順附邊障清寧歲屢底于豐穰

詔仍頒于寬大

仁風解凍旭日舒長開

閭闔之

九重執玉帛者萬國臣某等叨居華省幸際

明旨

楓陛高班拜

天顏之有喜椒觴進酒祝

聖壽之無疆臣等下情無任瞻

天仰

聖激切屏營之至謹奉

表稱

賀以

聞臣某等誠懼誠忤頓首頓首謹言

江西行省進賀

大德改元表

伏以改元表歲一新守位之仁修德考祥誕布側躬之

詔凡霑生育快覩雍熙臣某等誠惟誠忭頓首頓首欽惟

皇帝陛下克孝

天心能經

祖武右

文母而尽孝子庶民以推恩二十年跋扈之臣不征而附億萬

載興隆之業既安且寧臣某等分省江西馳情

北闕服膺綸綍敢對揚

天子之威遙指山河願祝頌

聖人之壽餘並依式

江西行省進賀

冊命

皇后殿下表

伏以

上聖造邦首厚人倫之本

內朝受冊益昭天作之祥

宗社安榮臣民欣悅臣某等誠惟誠忭頓首頓首欽惟

皇帝陛下德存孝敬道在修齊稽前代之舊章聿新渙跽倫長

秋之令典爰錫坤珍光動星垣義形風教臣等職縻江海

心懸

闕庭大琮比于鎮圭快覩儀文之盛闕雖應于麟趾式延

治象之隆

安南國進賀

皇帝陛下登寶位表

臣日尊言伏覩

龍飛九五回生意于龍編象譯重三馳恍於象魏

一人有慶萬國咸寧 臣日燁誠懼誠忤頓首頓首欽惟
上天養命

皇帝陛下大據域中仁翔海表柔遠能通守

帝道以無為偃武修文屈人兵于不戰克廣穆

宜君之善有光明

我祖之功霽雷霆而施雨露之恩剖封畛以示

乾坤之量與民更始隨物皆春 臣日燁幸際離明歡聞

渙號瞻

天北闕心傾北極之居尊守土南荒頂祝南山而上

壽 臣日燁謹專陪臣陳利用等奉

表稱

賀以

聞 臣日燁誠懼誠忤頓首頓首謹言

元貞元年三月初一日安南國臣日燁上表

安南國上

世祖皇帝陛下登遐表

臣日燁言伏觀湖龍修去

詔伏觀于登遐澤雁悲鳴哀甚如於喪考華夷望缺海濱

涕流 臣日燁誠辭誠踴泣血泣血欽惟

世祖威德神功文武皇帝陛下表正萬邦大居一統八十載而

成帝業聖曆無疆億萬年以遺王休

孫謀有勇大懷小畏近悅遠來炎風朔雪尽忠臣寸地尺

天皆入貢宜壽名之必得胡劍錫之遽遺 臣日燁目隕

烏蹄心馳

燕闕

北辰如在靡渝星拱之至誠下土若摧更冀

日居而繼照 臣日燁謹專陪臣陳利用等奉表陳

慰以

聞臣日燭誠辨誠踴泣血泣血謹言

元貞元年三月初一日安南國臣陳日燭上表

河南府路進賀

皇帝陛下登寶位表

少中大夫河南路總管臣盧摯

伏覩

詔書

皇帝陛下四月十四日

登寶位者

宗廟社稷永有依歸華夏夷蠻永有嚮賴天地日月亦皆廓然

山川鬼神莫不咸若臣某等誠惟誠忤頓首頓首欽惟

皇帝陛下承

先聖付託之重為天下謳歌所歸維昔主鬯之方虛嗣膺撫軍

之大任仁孝之德四海惟心神武之功百辟屬望壽昌蒸

瑞縣漢而下罕聞曆數在躬紹堯之緒斯受

臨御伊始注措所先尊

昭考出震之稱正

太母長樂之位乾坤泰定雷雨滿盈甫降

鑰音側聽輿誦凡所以

繼体守文之志槩見于事神保民之誠先四者以施

吾仁無一夫不被其澤

湛恩汪濊品物昭蘇不世之姿遠越自古升平之運寔自

於今臣某等久荷

國恩謬膺郡寄惟欣踴躍倍萬恒情限以官守不獲奔走

稱慶

闕庭無任感

恩恋

闕之至謹奉表陳

賀以
聞臣某等誠懼誠忭頓首頓首謹言

江西行省進賀

皇后殿下受寶冊牋

伏以瑤圖啟運有開宮壺之賢

寶冊加恩益行家邦之福

萬年景命八表歡敷臣某等誠懼誠忭頓首頓首欽惟

皇后殿下德配軋剗道侔坤順時惟良月星明太乙之紫垣

禮脩長秋

天錫大琮之黃玉誕敷渙號丕顯

珍符臣某等遠在江西遡瞻

北闕洪範之倫攸叙幸被訓彛闕雖之教方行喜形舞蹈

安南國上

皇太后陛下牋

臣日燁言伏以

慈闈示訓遠昭燕翼之謀下國依光久席

鴻休之庇情馳

魏闕首班賀牋臣日燁誠懼誠忭頓首頓首恭惟

皇太后陛下作佛中人為天下母當

九重躬修于孝治宜萬國風行于懿儀道日著于坤裳廣

揚善教澤皆流于解雨默贊

皇猷臣日燁辟處炎荒幸逢熙洽喜見

鈞鈴之動色願同嵩嶽以呼齡

安南國上

皇后殿下牋

臣日燁言伏以陰贊宸猷尊居慈宸揚徽音于

宮掖藹和氣於軋坤臣日燁誠懼誠忭頓首頓首恭惟

皇后殿下道繼思齊躬修內則動有珩璜之節退思圖史之規

治首六宮既輔成於
王業風行四海致於變于時雍日燭幸際

熙朝遙聞

懿範遐荒僻處莫陪百辟之班寬詔俯臨喜被二南之化
天下同文前甲集卷第二

天下同文前甲集卷第三

獻書

獻寶璽書

資德大夫御史中丞崔彧

皇帝福蔭秉資德大夫御史中丞臣崔彧言至元三十一年歲

次甲午正月三十日既臣番直宿衛御史臺通事臣濶

出即其衛所來言曰大師國王之孫拾得者嘗官同知通

政院事今已歿矣生產散失家計窘極其妻脫一真縈病
一子甫九歲比相告曰幸煩以此玉見買得價以給朝夕
之食及出乃玉印也濶一出自惟蒙古人不曉文字茲故
來告聞之且驚且疑居處不寧乃退還私家令取而視之
色混青綠而玄光彩射人其方可黍尺四寸後及方之三
分足背紐蟠螭四獸方際紐盡璽堦之外取中通一竅可
徑二分舊貫以韋條面有篆文八刻畫動搖位置勻適皆
若蟲鳥魚龍之狀辨其彷彿有若命字若壽字心已悅之
謂毋乃當此昌運傳國璽出乎急名監察御史楊桓至即
讀之曰受命于天既壽永昌此傳國璽文也聞之果合前
意心神為之肅然乃加以淨綿覆以白帕率御史臣桓通
事臣阿撒罕少直趨

青宮因鎮國上將軍都指揮使詹事臣王度瑞嘉議大夫

家令臣阿撒罕少中大夫詹事院判臣僕散壽導謁進獻

皇太妃御前啟曰此古傳國璽也秦以和氏璧所造厥後有天
下者相傳寶之以君萬國然自前代失之久矣今當
宮車晚出諸大臣僉議迎請

皇太孫龍飛之時不求而見此乃天示其瑞應也宜早達
皇太孫行殿以符璽既已蒙

嘉納翌日令資善大夫中書左丞詹事臣張九思少中大
夫詹事院判臣僕散壽傳

旨昨所進玉寶製造筮複俟見

皇太孫親為付授蓋

皇太妃懿慮深遠非臣愚所能及也臣等又啟收藏寶璽之家
不知甄辨尋常以玉求售臣見而識之徑持來獻彼猶未

知望恩卹其家蒙傳

旨賜收璽之家褚幣貳所伍伯貫并逮臣等進辨其實者
三人衣服各一表裏紋金綺素有美以為異日旌賞之微

臣等已詣府前敬受訖自惟無狀不勝慚赧是日金紫光

祿大夫中書右丞相完澤率集賢翰林侍從諸臣入賀

御前命出寶璽偏示群臣此又出于

皇太妃至公至大之量翰林學士承旨董文用等前啟曰此誠

神物出當其肯若非

皇太妃

皇太孫聖感何能臻此丞相以下臺臣等次第上

壽自是內外稱慶咸曰

天命有歸然臣問詩序曰文王有明德故天復命武王也今神

寶之出蓋因

先帝有明德故天命復歸于

皇太孫又曰皇天親有德享有道以言皇天非有德有道則不

親不享也又聞之書曰皇天無親惟德是輔又曰天命有

德克享天心受天明命作善降之百祥歷觀上世詩書之

旨未有無德而致天命之歸者也欽惟

太祖聖武皇帝秉茲神畧始為天下除禍定亂隆功盛德簡在

天心受命為天下主

累世尚德以至我

憲天述道仁文義武大光孝皇帝德配乾坤功包海嶽孝格

宗廟子育黎元輿地所托悉主慈臣照臨無幽咸遂生樂

施及

明孝太子錫仁慈之德上感

君親之忱下係億兆之望至元更號

日月重明無為而治者近二十年雖由

太子追德修業之洪溢亦賴

元妃內助之澗密也敬惟

皇太妃聰明淑懿姆儀崇嚴德量博厚仁敬慈恕出于天性往

古所未有也自

明孝太子升遐內則

皇孫翼、訓導端嚴外則百司班、臨御整飭由是

聖上君父大見倚重雖于時

皇太孫未昭儲副之託而詹事之司未嘗一日廢缺以見

皇天之命於

青宮之命無時不在誠非人力所能為也欽惟

皇太孫殿下德資剛明才兼文武英謀獨斷大為

祖宗族屬、望遐邇歸心

聖祖憲天述道仁文義武大光孝皇帝灼知天命之所在久存

隆願將付以撫軍之重於至元三十年夏六月二十二日

錫以

皇太子金寶大正儲位而後詔以出師之期天下聞知家室昏

慶和氣穰、溢于兩間是歲秋稔數年罕運、竊見天難

無言統命不爽豈期又於

大行宮車晚出之後甫八日而傳國神寶不求而出于大臣功
子孫家逮由臺諫耳耳目之司直達于

皇太妃御前益見

皇天托命

皇太孫誕膺龍飛以正九五之位俾符寶璽之文既壽而永
而又昌臣又見

皇天之心大賚我

皇元繼体之君不疾不遲景命造至以允四海之望者其瑞應
之兆有三按唐史代宗之將為太子先封楚王及位正儲
副而監國楚州獻定國寶一十有 曰楚者太子之封今
天降寶于楚宜建元為寶應蓋以寶為太子之瑞應也

明孝太子封為燕王今

皇太孫燕王之子也將主神器而神寶出于燕造與前事相符
此瑞應之兆一也又寶璽之出正當

皇元聖天子六合一統之時

宮車晚出之近以見

天心正為

继体之君設也此瑞應之兆二也又寶璽之出適當月之
三十日有終而復始之義以見

先聖皇帝御世太平之功既成俾

继體之君繼其始也此瑞應之兆三也合此三兆觀之益
見

天命之來際合於

青宮也

微臣區區之情無任傾向輒罄所見以贊其萬一
謹將寶璽之出處古今始終詳具考證按詳慎說文云璽
者印也以守土故為文從爾從土其義蓋曰天付爾此器
俾寶之以守此土也至周太史籀文易為從爾從玉義取
天付爾此玉寶以為天下君也三代以上璽文无所攷按

諸史籍并寶璽篆文圖說曰傳國璽方四寸其文飾如前
楚以卞和所獻之璞琢而成璧後求婚于趙以納聘焉秦
昭王請以十五城易之而不獲始皇并六國得之命李斯
篆其文詔玉工孫壽刻之太平御覽又謂藍田玉所刻三
世子嬰奉璽降沛公軹道旁高祖即位服其璽因世傳之
謂為傳國璽厥後以孺子未立藏于長樂宮及莽篡位安
陽侯王舜迫太后求之太后怒罵不與舜言益切乃出璽
投之地璽因歸莽及更始滅莽校尉公賓得璽詣宛獻于
更始赤眉殺更始立盆子璽為盆子所有後盆子面縛奉
璽于光武至獻帝董卓作亂掌璽者投于井中孫堅誅董
卓於井中得之袁術奪于堅妻術死荊州刺史徐璆聞帝
為曹操迎在許昌以璽送之帝遜位以璽歸之魏常道鄉
公禪位璽歸晉懷帝遇劉聰之害璽歸于聰、死歸于曜
曜為石勒所滅璽歸于勒、滅入于冉閔、敗見收于閔
之將軍蔣幹晉鎮西將軍謝尚購得之還東晉時穆帝永
和八年也自璽寄於劉石五十三年晉復得之而後宋齊
梁陳相傳以至於隋、滅蕭后與太子正道并傳國璽並
入于突厥唐太宗即位寶璽未獲乃自刻玉璽曰皇帝受
命有德者昌貞觀四年蕭后與正道自突厥捧璽歸于唐
始得焉朱溫篡唐璽入于唐溫莊宗定亂璽入于後唐莊宗
遇害明宗嗣位再傳養子從珂是為廢帝石氏篡位帝自
焚自是璽不知所在前宋哲宗咸陽民段義獻玉璽及徽
宗為金所虜凡寶璽悉皆取之內玉璽十有四有青玉傳
國璽者一其文其色與今所進獻玉璽相同則知宋之南
遷近二百年無此寶璽明也然自金既取于宋之後寶璽
出處的確亦未見明說以及我

皇元適集

皇太孫寶命所歸之際應時而出臣職總御史親會盛事不可

以不錄又圖中別有一壘其文亦八旁注曰此傳國壘背
文也今見寶壘背皆刺螭形蟠屈四凸不齊徧厥四際其
地可置此文按太平御覽晉泰光十九年雍州刺史却恢
表慕容永稱藩奉壘方六寸厚七分蟠螭為鼻今高四寸
六分四邊龜文上有八字曰受天之命皇帝壽昌原其所
由未詳殿始以此觀之當別是一壘非今傳國壘背文也
此又不可以不辨臣誠惶誠恐頓首頓首謹奉牋
上進以
聞伏希
聽覽目不勝瞻望之至

至元三十一年二月 日資德大夫御史中丞崔或上

天下同文前甲集卷第三

天下同文前甲集卷第四

歌頌

正元祝贊詩

臣 釋 希陵

皇帝即位之明年改元貞海字入寧萬邦欣戴罔敢違順太

平之兆見于斯矣臣幸逢元日詣

闕祝贊序立

殿陛之左親瞻

穆之之光而又獲觀禮樂之盛

混一氣象之雄私竊踴躍作詩稱咏

聖德炳同日月之麗天用垂萬世無數其詩曰

皇帝踐祚

聖同堯禹纂承

丕基光顯

宗祖載弘

洪烈繼維照午

昭德維新民物咸覩明視達聰通今博古登能庸賢左右
規矩克剪剪茲克靡遺細鉅服德畏威跼踖俯伏海夷畢臣
罔敢違拒天錫

皇元混一寰宇綏厥黎庶德滂仁煦島壤塞無遠弗溥元貞元
日百典具舉龍戟鷲旂排執而伍百辟踰々拜笏蹈舞衆
樂奏和鳳翼應拊地產百祥天降百祐貢璧獻琛摩肩踵
武天錫

皇元作萬邦主如日之升下熙九土服矢橐弓式偃兵旅國既
阜豐民亦無窶願永萬年惟馨德輔

祚與
天無墜厥緒目作歌詩播諸樂府
祝

聖樂章

春泛天上来

至元二十九年八月二十八日

盧摯

始射乘龍與少皞行秋佳氣葱々

天上萬歲教中想見王立神崧更川妃微步便似戶外昭容建
章宮正雞人唱曉風吹騰空 風流太平礼樂是鼓腹康衢白
叟黃童說向周公教容文物歌舞

帝力神功幸

天公不禁人間酒醉得西風此心同有黃河為帶江漢朝宗

清平樂

元貞元旦

元貞更踞日月開黃道試看韶華何處好擊壤康衢父老相將
竹馬兒童崧高
萬歲教中雒浦梅花香裡人間第一春風

鷓鴣天

元貞元年九月初五日

青女飛來汗漫游素娥相賞玉為舟三千年也蟠苑熟
萬歲山高錦樹秋開壽域望神州日華雲影思悠々願將江
漢清風頌鏤向崧崖最上頭

木蘭花慢

大德六年正旦

問東風何似早去聲吹綠洞庭波要催起江頭梅粧的皜柳態婆
娑遙知玉墀鴉鷺對青陽紫禁鬱嵯峨惟動雲間
鬪鬪應收雪外蓬婆誰將瑤瑟記湘娥頽客播絃歌向執法
森然去聲壽星明處陟頓春多衡君也能三呼去聲更獲成度入聲
奏雲和如許升平文物仍逢
混一山河

迎佛會歌

皇帝繼天位而不顯洪猷弘聖教而幽通玄理德被遐深功濟

周微者矣元貞元年二月八日

詔迎

佛子京師大鎮國守遵舊典也是日春熙風微路不揚塵
太后太妃出駕於郊施賞金帛歡沃衆心百辟卿士揚鞭于道
約其不齊成蹈儀軌士女扶老携幼軒車接武聳瞻如林
騫教揚于覺輦象步由于梵衢旌蓋幡幢交羅幾々鏡鼓
簫管嗷噪滢々紫貝之寶流精明月之珎效日妙花天兩
於靈域瑞光智湧于金儀邈乎象教之玄風載興於
聖世也觀者踴躍滌瑕蕩垢啟謬暢誠嚮風趨善滂流萬邦

化亦洽矣戶幸現盛美無以形容乃稽首而作歌曰
於昭

有元赫矣其昌洪休載揚敷明德以

王出抽教鑰密紐釋綱澤流弥萬世惟法之光觀金儀勝
天人來引乘駕龍十二頭五雲流慶天開地闢日月正韶
奏鳳儀和之應萬邦稽首稱

天子聖

天下同文前甲集卷第四

天下同文前甲集卷第五

記

皇帝遣使代祀中嶽記

少中大夫河南府路總管盧摯

皇貞厥符誕荷貽謀寅恭萬幾人神具依曰若稽古以遣使者
於是近侍_臣僕蘭瑛_臣亞韓奉白金錦幡礼器香幣以至
元三十一年夏五月十九日傳遽自

京師至祝涓吉致敬得翌日己巳奠

中嶽中天大寧崇聖帝喻

旨少中大夫河南府路總管_臣摯等

上咸秩山川昭事神祇之意甚敷其思所以副稱_臣摯等謹百
拜稽首承

詔既謂摯汝文人今以守_臣在列其為祝詞其辭曰
朕仰承

祖考付託之重俯泛輿議推戴之情夏四月十四日即
皇帝位深惟繼述

先皇帝所以事神保民尤為守成大事臨御翌日
制詔天下矣維神駿極卓犖嶽茲中土載藉以來禎祥先烈焯
示萬世者不可殫記是用敬遣使者代

朕詣祠惟神頤歆景貺昭荅填衛社稷阜康民物以鞏固我
丕、基亦惟爾恭苾芬以永、事神也明年改元、貞三

月十八日壬戌近侍臣訥懷奉議大夫前功德使司副使
臣答理禡尅敢至如初祀二年二月十三日辛亥中奉大
夫給事中兼修起居注臣買奴冲素崇道泐師臣吳全節
至如元年祀知事臣張中攝土臣既事臣全節謀之臣買奴
來謂摯曰

上蒐文揆典三遣使者走儀幣供祀事踐祚以及元年秩於駿
嶽公皆與焉今滿代寓是邑而給事全節筆寔來將刻石
以貴盛祀當有紀也摯拜稽首曰

上適繩

祖武皇建有極致嚴祀典凡所以斂福錫民者方昭假于天子
岳鍾奇蘊粹異灵臣隣柔嘉惠直伯仲甫申式百辟明邦
國將爾命以賦政四方于蕃于宣以翰

帝室

天子萬年令聞不已臣摯固維葭焉孔碩穆如之風尚當踈跂

林野強勉蕪陋虫吟爵躍形于篇牘教諸金石以自拊雅
音之末况摯身親目覩者固宜特書俾有紀焉獲託名以
耀永久使者之言不唯
大神之所歆艷輿人之所觀感其在臣摯尤為幸際也
代祀南嶽記

集賢學士大中大夫盧摯

大德二年春正月中書舉

世祖詔言裡祗古巡狩事甚重遣使代祀甚選誠志多儀以獲
景貺甚谷

帝曰俞咨三公今揆典當秩海嶽河伯遣使者宜如中書言二
月

詔近侍阿闥赤集賢學士大中大夫盧摯乘十乘傳走望中岳
淮南嶽南海崧桐柏竣事三月丙申至衡翌日丁酉奠于
南嶽司天大化昭聖帝如元年祀如幣焉

上臨御五載治日躋嗣曆之初守熙績民阜歲穰是皆戢兵祥刑輕輕徭薄賦所致其為格神之休不既大矣乎日擊敢以

聖天子事神保民誠敬之志金石玉衡以永南土載履高厚之心或以雲風雨暘一時適然為奠岳之瑞者擊皆不書是日擊拜手稽首為記

天下同文前甲集卷第五

天下同文前甲集卷第六

記

新修滕王閣記

前翰林學士奉政大夫知

姚燧撰

制誥同修國史臣

龍興即唐之洪宋之隆興

世皇賜今名以封

裕皇者也故關

省乎是其治所及北始于江而南際于海三千里其俯而聽命者龍興南康江撫建昌袁瑞吉贛南安臨江南雄韶廣湖惠連封肇慶德慶為總管府二十英德南豐寧富南恩循梅新為州八凡二十有八城又封

裕皇母弟于吉

北安王于臨江贛俾茅土相錯教令相及所以強本固磐石也故龍興為大藩于天下其基城為閣乃唐滕王元婴所為王弘中觀察江西已一葺之韓文公記其上終唐歷五代宋不廢大抵非唐屋矣

省臣見今風雨凌瘁棟桷腐落曰不治將傾乃請

皇太后出隆福宮錢五千緡始為重屋大其故制三雷七楹飛

析題節弘五筵崇七尋其勢則山出而雲飛矣落成之日
省之三公與尹是府者各偕其屬携燧登望江山數百里
官寺民庠才萬區皆列之軒戶一觴相屬曰壯哉曷觀
太后之賜也今始落之而子適至宜為記燧曰弘中之後不知
其幾葺矣莫有記者蓋不敢為韓亞也燧何為者乃勇為
數百年人所不為者乎然惜公不生是昔也五帝三王茲
降能一天下者秦漢晉隋唐與宋六家其疆理惟唐為大
今

世祖天戈所加正朔所頒南極于闐婆東至于倭奴西被于日
入之西溘而北至于人跡所不可踐者終三分有一地不
足竝也滕王高祖支子而視

裕皇為

世祖元適今

天子

皇考其位與聖又不足並也觀察非有是

省之尊所觀察地止于八州亦無有是二十八城之遠之

衆葺者弘中特易所故敗非若今出錢

陰福宮一瓦一木不階其舊悉毀而新之如是不變其名

猶曰滕王閣者蓋不欲求勝前人又以見

太后之仁也於呼得公記之其侈盛矣當何如哉當何如哉今
記者之遇閣之不遇也雖然事有可知不可知由可知言

龍興南去

兩都數千里塗非

乘輿所出尹府之巨圖閣上之亦必一經

聖覽或者

裕皇后在天從兩

先王風馬雲車遊狩八極過而一息者人則不得而知也至元
三十一年十月既望前翰林學士奉政大夫知制誥同

修國史姚燧謹記

龍興府學奎章閣記

前翰林學士奉政大夫知

制誥同編修 國史

呂姚燧

臣嘗官外每聞

詔下唯

諭行省院臺宣慰廉訪轉運三司與職軍民之官讀已則
還之中書或掌于行省院臺廉訪轉運而宣慰與職民者
省治之職軍者院臨之故唯受其成文以行無有所掌三
司中宣慰班最

諭所及者猶無所掌况提舉學校五品居職軍民官下受
其成文以行無惑也然其治必居宣慰廉訪所治府州教
官聽其約束者其地與二司等此寔

世祖建元復故事也廿有五年始分降

詔復江淮多士力役俾一提學自掌其一由是師生鼓舞相語

以為平日

諭所不及一旦與行省院臺廉訪轉運者同有是學早於
名而尊其寔其職及若居宣慰職軍民者上自十三年平
宋後所無北方人士聞之曰是豈獨無于平宋之後

列聖茲降所無寔興起斯文萬世之成規也

今皇帝當宁首致意於學校為分降

詔如

世祖而加密為其宏綱曰聖人之道垂憲萬世其目則還貢庄
學田為釋奠養老完廟與師生之廩俾有司舉其才德亦
一提學自掌其一江西道儒學提學日黃謙亨龍興路儒
學士友等相與謀曰至矣

聖祖

神孫之惠縫掖也復其力役既富之還正學田以廩師生又教

之俾有司舉其才德又庸之士生斯時何其幸哉現今掌
詔者多隨印所歸秘之私家其完是六經閣表曰

奎章鏤櫝而丹雘之錦韜而金鑄之職教之官日夕番直
其下廢以遠褻而致崇亦小臣報

上萬分區之一也請諸省臣省臣曰宜令臣為記臣聞虞夏

商周四代之書曰典也謨也訓誥與誓與命也為体者六
詔有其五焉曰尚書所請近于謨誕告多方鈞乎誥為法於來

則訓俾職教臣恪以持則命先儒說典文曰冊在臺上尊
閣之也今是重屋上以重風雨下以遠粗濕既翼矣今

其上豈逾尊于丌孰曰非典也耶表曰奎章所以侈

兩聖作之君作之師之宜且風厲是道方千里之士使人自
飭責成德達才於其躬至元三十有一年記

天下同文前甲集卷第六

天下同文前甲集卷第七

記

江浙行中書省新署記

通議大夫前翰林學士知制誥同修國史閣復

至元二十九年夏五月江浙行中書省新署成明年夏五月復
游杭省府會宴政事堂請記興造之蹟于石謹按中書漢官名
魏晉以來始改秘書省為中書省唐置三省中書其一也地位
尊崇列尚書門下之右

國初政尚簡古有中書之名而僚屬未備中統建元更定官制
乃置中書總握機務尚書六曹隸焉又酌近代之典立行中書
省分鎮方國荒服諸郡隸焉蓋古方伯連帥之任也

王師渡江

詔命伯顏丞相行省軍中江南既平遂置數道行中書省撫綏
鎮遏之惟兩浙東南上游襟江帶湖控扼海外諸番貿遷有市

舶之饒歲入有蕪湖之熟權貸有酒鹽之利節制凡百餘城出納以億萬計寔江南根本之地蓋兩浙安則江南安江南安則朝廷無南顧之憂膺是責者非股肱大臣威望素著鮮克稱任粵自政化更張今榮祿大夫平章政事烏馬兒首拜茲命榮祿大夫平章政事阿老瓦丁資善大夫左丞趙仁榮中奉大夫叅知政事帖木兒嘉議大夫簽行中書省事郭筠前接武同寅協恭若夫內給弓兵外通海漕理財以經國勤政以緩民以至築圍田以脩水平糴價以賑飢盜賊止息人安田里所以布宣

皇澤唯謹先是省署居止宋之秘閣屬有回祿之變今福建行中書省平章政事史弼時為右丞共議作而新之杭州路達魯花赤幹赤理問官柳澤寔董其役度材于官傭力于民規制有經工用有節閱數月而後畢前建政事堂為發跡施令之所後為便閣以居入座左右二廳為廊幕東西二廡為掾史舍旁起

兩公廡一為理問所一為鎮守萬戶府中堂有甍檠戟有門宏敞壯麗視舊有加焉愚聞古者堂室座右皆有銘所以陳歲規示儆戒也省府以台鼎之重統治三吳生民之休戚係為中外之供億賴焉東南之安危寄焉勿謂茲庭距京師遠甚慶賞刑威得以專之洪惟

聖天子明見萬里之外愚願居是任者入門踧踖如趨丹宸之側下踵堂祇肅如侍威顏咫尺如天日之在日

玉音諄誨如雷霆之在耳相與兢業正己以率天下安靜以致治功協和以熙庶績一善未宏思務舉之一才未進思與之一弊未除思務去之俾三吳百郡之民以至海隅遠取咸被維新之化歲樂豐登域躋仁壽異時述職天朝褒德賞勲荐膺

罷渥新之又新煥然宜自作新省署始先民有言詢于芻蕘勿以老生常談而棄日新之功也

高麗國大藏移安記

宣授朝列大夫翰林直學士兼本國匡靖大夫咨議都僉議使司事迎英殿大學士同提修史判文翰署事閔清撰

昔甘蔗氏初成正覺普觀一切衆生具有如來智慧德相但以妄想執著而不證得因起大悲欲以佛之知見開示悟入然机根萬差不可以一法而度故出廣長舌演種種法四十九年無說之說洋溢乎大千無非應病之妙藥也于是有經有律或顯或密分則為五教合則為一法及乎佛日既沒諸聖繼作發揮奧義文而成論如是三藏自漢明已來波及于東夏者并諸傳記無慮六千餘軸是所謂大藏也若比龍宮所藏則須弥一塵大海一滴耳然法無不具願無不遂凡人天富貴大小涅槃莫不由斯而出則三界中所謂大過者能有過於是乎惟我國家

專憑法力創業垂統歷代嗣王莫不克遵前典式至于今休由是大藏寫成者有金字銀字墨字印成者有遼本宋本鄉本鄉本則現有流行之板故内外名刹靡不有焉南岳鉢山和尚稔聞海東山水之勝欲一規覽而本國道俗想望其高風者有年趙大德八年甲辰秋因受諸公之請浮孟而至闔國尊崇如見佛日瓶錫所止四乘如雲隨根造器咸蒙茲澤若非古佛權現時克爾耶師因游化到江華普門社見藏經三本問其來由曰二本乃徃古君臣所安一是今奉翊大夫知密直司事軍簿判書上護軍許評同瑞原郡夫人廉氏了因所營也師喟然嘆曰徃者志不可奪今者意或可遷也譬如鑿百尺之井者牢閉而不肯惠人則井有何功哉得如意之珠者深藏而不令則珠有何德哉今此藏經雖或披轉似不能及何异閉井藏珠者乎彼江西宜春之大仰開山祖師曰小釋迦粵有梵僧祀祖

曰我來東土禮文殊却見小釋迦由是得名祖嘗記云住此山一紀者是吾再來而雪岳欽公住餘一紀果符慧記予曾以已事叅叩嘗蒙啟迪且示以偈曰拈起集雲峰上月人前拋作百卷毬今雖為古人想之如在現住者亦欽公之子地靈境勝代不乏人但以寺經回祿法寶有缺耳倘減一于此補彼之缺則豈非開井于八達之衢置珠于輪王之手乎許公聞之喜若發蒙冠日將付歸舟欲事之與彼山不朽請清為記予辭以非才且病繼有和尚請書辭意懇款清于師戒香亦有一日之熏不能獲已忍病搽毫聊識其事嗚呼普門在大虛中一微塵耳而藏法寶大千經卷也若非慧眼明見破塵出經則許公之九仞功山未免一宝之虧矣况彼仰山號為釋迦再來之地亦中夏之雪山也我和尚雪岩嫡嗣亦釋迦之長子也因其言使斯經轉于斯地則雪山一會復回今日其亦饒益可量哉苟如是則許公之獲勝功德又可量哉雖在見聞亦可為慶者欽大德十年丙午九月

日記

奉翊大夫密直司副使判秘書寺事文翰學士金 恂書
奉翊大夫密直司副使同學大司成崇文館學士尹瑒篆蓋
高麗國金剛山成佛蘭若護送大藏經白宝沙門釋一牧立名
宣授江西道袁州路宜春縣大仰山當代住持傳法虛谷大禪師希陵
安福州學新鑄祭器記

畊齋劉坦明允

大德甲辰秋七月安福州學新鑄祭器成校官率諸生覲于堂上既乃藏諸礼庫設掌器一員慎其出入凡為簋若簋各十爵十有五坫如之六樽惟犧象各一杓如樽之數餘四樽各一併疊洗炉餅為七十一皆銅也鈔費伍伯有奇蓋自開禧丙寅遷學迄今百年物久而弊莫有訾省春秋舍奠隨時繕補知礼者以為詬蘇侯既宅收視類宮加重未幾王侯來贊郡治首相與言白器皿不脩不可以祭矧非求舊惟新議克合亟召治鑄氏

按圖攷古，盡發養士餘財，以充其費。不足則于二侯取具焉。逾月，釁成行，且有事于廟，滌濯告潔。

先聖先師，洋洋臨之在上。或曰：古器有用玉者，禮之玉爵是也。有用角者，記之角散是也。蓋蓋字皆從行，范金為質，何居余堂？現集古錄，不但龔伯之彝，伯庶之敦，亦有叔高父之簋，則器之用金，三代皆已然矣。于今夫何疑？惟是事也，二侯協成之職，教者與有力焉。担舊諸生也，俾記厥始，不敢以耄辭。

天下同文前甲集卷第七

天下同文前甲集卷第八

記

臨江軍新喻縣學大成殿記

廬陵劉

辰翁

會孟

渝學丙戌之修，禮殿為大教官吳鳳孫以丁學諭敬直來請曰：「老生無能為于鄉党，視前楹碑宋紹定戊子李侯仁任所修也。于今六十年矣，柱崩榑壞，風雨歸然。迺乙酉十月，廉部直定趙公秉政，既定。」

先聖弟子籍百又二十人，復其終身常調，不征縣旌，別有加命。修學于是，令丞簿尉各以其力為倡，士之經營勸相者奔走來會。月三望而功畢，廟闕文餘，靈星翼張，越佚貫舊，夙焉出于震蕩，殘缺之沒，蓋勞于創造而大于興。繼鳳孫則承乏視成而已。此部使者奉宣之寔意，而諸大夫邑人學愛之大誼也。於念茲，敢請余惟是邑名公多士，非猥遠凡陋者之所敢及。既辭不獲，讓則受言而載之于篇，道猶天也。凡干戈潰亂之出于宇宙，如雷霆風雨，危不可處，而天体霽然，不待明日光復，其舊必歸于禮樂情性道德風俗，如使古聖人之所以為天下國家者，不用而一出于兵與刑，則民之類滅之矣。孰非命也？由周公而上，千有

餘歲命世而為君由孔子至今亦千有餘歲命世而為儒君道未嘗非儒者寔輔是君以明其道故誦堯之言行堯之行是亦堯而已矣誦夫子之言行夫子之行是亦夫子而已矣居敬而行簡以臨其民南面之夫子也敬事而信節用愛人千乘之夫子也一日無是道則國非其國矣而儒者猶歎然曰不用道未嘗不用于世而世有無用之儒代之所以絕續存亡民之所以死生利病特係于理之是非而不在其人之用舍得乎道而為天得乎天而為命道命一物也古今一日也道在是則夫子在是夫子在是則君道在是故事道如事夫子事夫子如事君記曰能為師而後能為長能為長而後能為君夫子教為君者也律有煩有省令有遷有改維經之為訓毋敢畔是故春秋者撥亂反正萬世太平之書也利欲之橫流也甚于洪水然平成之後不聞復有洪水也由今之俗望春秋猶治世非春秋之世治也所以為春秋者治也刑之之而有不懲也兵之之而有不遏也君臣父子受之天為中國受之王為嘉師必有推明人極之立與天地並其效常得于世教之所不及而後知今之致隆者容有未盡昔之暫廢者本未嘗止也夫視學告朔豈真現美哉諸生低徊習禮具瞻冕服其亦思夫東家之匹夫陳蔡之環轍時君遺之鄉國違之而所以致此者亦其遯世無悶不怨不尤屈于一皆者為教父故必以迂晦為世守既窮為家法而況上之人優重之作成之當路簡擢之著定之闔邑茂異之顧其端涼一或不能專志于道而終安于命則所以為天下國家者又未見其有可望而天下國家亦卒若外之者未必皆世之咎也余既言三代餘民受罔極之賜于夫子者又欲陋巷時賢以身之負賤學其為夫子者蓋進取之事不在科舉而在學術與人品此世道之古也孰非命也儀封人語二三子云天其或然者

紫薇道院記

靜得王 夢應 聖與

東南書院母慮百數多賜額賜書紫薇創晚獨未賜亦未有田廩士故山長列部缺遇者弗顧邑校領焉其棟宇城極南依山瞰江瓠落孤寄乃者化兵燹假進士莊寓其名士散業荒諱席不見其後有以莊入書院為田若干前學官市民居莊右時方復儒又盱江余公恁乘廉使車行部凡前之戾儒者悉誅且起前撫州崇仁簿陳君中子長紫薇君曰此鄉人士講學地寓不便請新之乃計程出力乃慮材命陶經始庚寅八月落成十月不煩公費毫髮殿堂門廡上下瓦甍俯仰秩々如見闕里余惟與昔諱學之盛如三代惟石鼓起唐鹿洞起南唐餘皆三百年之故此春陵閩洛湖湘武夷江浙影即別弁像設稱大諱席當時渠々款々竟以誰為風雨雷電之後使人思孔曾思孟子無窮獸墮水下更遠更甚夫能使人心一日見仁義禮樂之懿世道百年有勝歿去殺之盛其道端在諱學乃心曾異歲月遠後之視今々之視昔々有不然何哉周漢以下為三國六朝為劉趙石趙為秦建元為魏永明又為數百年唐宋君臣事行師友道遠皆隨世有學皆隨輕重精粗有成吾党之士盛時之初不勝宇宙民物憂責以為猶夫一日則焦然感然不得于天地者免夫々數畝之宮通天下似之旦々深衣立乎此者所以不徒生于今之世也君以一人之力為鄉國百世之地難矣謂諱學于此時也然則君明經才進士用世當偉然

金人夢漢象教以興白馬來東龍藏斯峙若稽古伯益山海述
天毒之國假人而愛人郭璞謂即天竺浮圖也假愛蓋大慈之
義是三五之世其國已名東方朔昆明之對系其後矣劉向傳
列仙叙七十四人在佛經佛經之稱昉見于此至三国六朝迄
唐而文字富又自唐迄五季及宋而宋論議長惟我
聖元祖宗以仁立國其道胥契于是尊崇信慕有隆于古而西
域異書種々而出帝師國師譯新采舊增廣其文名以至元法
寶刻在京邑流布人間江南去萬里而遙傳持未遍松江僧錄
管主八翻梓餘杭凡諸路度經而未有者許自裝印藏教以完
會其部得一千四百四十總其卷得五千五百八十有六與高
駢所記五千四十八卷云者真若有羨政之信史梁武總集于
華林園中已及五千四百卷隋志所載則凡一千九百五十部
六千一百九十八卷較今為部四僅及三為卷十不見一厥後
無漢壇之異夫何為教不逮于昔遂言增廣于今耶吾聞有大
經卷量等三千大千世界藏在一微塵中而西土華嚴殆不止
百千偈頌做是而推又可部帙計我鹿苑金河四十九載橫豎
其說遽曰于是二中間未嘗談一字香智國子荷法東驅一卷
開芬遂有今日究厥大旨又謂不立文字直指人心後之人因
其直指了所未談知一大藏大教是个切脚以此遮眼以此照心
會有言語道斷心行處滅而筌蹄之者
皇恩佛恩一時俱報不然塵刹熾然編集等百億須彌盧則何
益矣勗哉禪流其毋負流通之意
天下同文前甲集卷第八

聖元重建南泉山大慈化禪寺碑銘 并序

集賢大學士榮祿大夫翰林學士承旨知制誥

兼修國史姚燧撰

皇慶之元普蓮宗主明照慧覺大師慈昱書遣弟子嗣瑞嗣泌叙南泉山大慈化寺為臨濟十三世孫普菴印爾所基以勝國軌道己丑示化既累謚矣至皇元大德庚子寔百三十一年昱再為之請謚于朝

成廟制可即以其年大德者加舊謚寔感妙濟直覺昭貺之上其褒其德無以侔大視昔八字猶燭火之當皎日黯不輝矣又叙寺火于至元壬辰之春主僧去之府縣具僚合諸山高德請南源山廣利萬安正叟禪師紹中經理其費後四年乙未昱始繼席修復完矣當是加謚之歲再火再繕治之逾紀乃成且錄劉必大為國博應奉翰林文字翰林修撰提舉湖廣省儒學所撰加贈大德禪師萬佛寶閣圓堂普蓮堂普度橋索士趙璧之

橋墩吉士宋處仁之昭烈廟與主仰山大平興國寺佛鑿大師希陵之壽山慈化寺與主南康開先寺了萬之天竺圓通殿及昱自為高麗金字經諸記丐燧曰以是為迹銘之寺碑為讀書盡卷漫不知位置何地乃詢瑞輩俾圖示之而統其要寺蓋距州百二十里蓮蕩橫前三門之內對峙二塔儲金字經左右鼓鐘二樓中拱二殿相背前曰普光明以事佛後曰定光以覆普菴塔次萬佛寶閣兩華堂達本堂圓堂樓下祠武安忠靖兩王武安之為閔羽者世則知之忠靖為五季漢周張翼佐南岳者世則莫聞庶以周之門左右則東西藏殿儲經三藏自餘齋閣方丈香林書院月臺仍普菴之舊為大圓堂諸小殿僧寮賓館倉庫庖福再廡周之凡三重中兩廡皆重屋凡千四百楹南泉之山四環其外盤如城天竺圓通與昭烈皆在四北黃圃市香山之間昭烈則忠靖原廟普蓮堂與橋則在州中堂有亭閣廊門橋當隆興吉瑞鄂潭東西南北通塗石墩十四秀江中

貫而梁其上有佛閣鐘鼓樓與普蓮各五十楹亦大役也役大則不出己力之獨其攻金攻木攻石陶冶髹漆綵繪百工無一可後之又衣食其徒多至千人若是其衆也衆則用奢而寺無寸田以自業惟恃昱之言出化行鼓舞作興于江湖西南方三千里地之民最歲施入多至中統緒千以計者百萬有奇而佐力操畚鍤具薪爨者猶不與存何修而臻此哉謂普庵澤欵何前乎此學佛之人不能振舉至昱為人心服而勸趨于事者非直其才致然亦有道也且人之情能勉志專力于一熒之後再熒則弛而怠焉昱不加退規制益侈輪奐益熒易曰神而明之存乎其人豈不信哉雖然猶當上求其所自西方之教行中土也漢唐而下正朔所及有遠踰海國若今者乎星羅綦錯小而鄉縣大而府州為佛宮者何啻萬區為其言而祝除毛髮者其徒又止慮百有餘萬列聖為制不雜民版又屢降璽書禁人無侵覬其產驛傳不宿

官物不儲飲食燕樂不聽肆筵薦豆雜于其中其崇祀而保佑之已至矣

皇上又以司是僧為正錄者衣食百需取足諸山虞日繭絲使就困削為罷黜之歲一再誦經五千四十八卷天下何啻千藏集祝髮之徒散幣饋食果茗膏燭之微一出公帑人又別加賜高是舉天下為徒百有餘萬霑泐恩波無有一人或遺也於戲昱所以能就事功與人之風行州靡衆推與者豈不亦乘是机偶是時哉予儒者也文乃儒之一事言之不文則行之不遠昱其有見乎此遠以求予、惟浮屠之書旨歸奧妙其徒自非警顏童而習之白首不知其原矧予平生未踐其域不啻其味者苟剽而強為之知終亦膚近而多所謬失為自欺且欺人以速專門者所珉韓子嘗曰如欲聞浮屠之說當自就其師而問之何故謂吾徒而來請予知守此故不敢效必大之博洽為浮屠說探其懷以與之祇屢書其善興而教日夕祝釐上酬

帝力下昭祖德者而詩之其辭曰
普庵肅公僧中之雄由萬其道為世所崇遇有潦燬為民祈禱
曰雨曰暘固不時若衆嚮其化為新攸居日月幾何雲屋渠
尋復示寐其在勝國八言用褒節惠已 去世攸遠傳之豈孫
猶以哀榮上敷

帝閣於皇

成廟閔其克孝不斥異代加謚有詔維之大德表歷紀年不惜
之其仁並天肅由是名充塞普率雖豈于藍未敢曰出作室
煇餘無田菑畬人以賄來如取寄諸伐材賴山錄楚窮石百工
鼎孰後尔職杵之騰斧之終跡址相方其直引繩楹以
負棟寔千四百丹漆之塗如暈斯赫嘗現有司鉅室責為有書
以微有罰以隨人將趨事憚貽已勤巧為避逃犹幸不至于何
浮屠無罰與書視所欲為諾不待呼功成不有歸之其祖于橋
殿堂必字以普倡其徒千釋言日宣于以祝釐

天子萬年

天子萬年期豈孫子有來原世受其祉

天下同文前甲集卷第九

天下同文前甲集卷第十

碑

湖廣廉訪使題名碑

須溪劉辰翁會盟

春正月而歲新人情改飭修潔必無肯復仍其舊者重天道也
故湖南肅政廉訪司之題名始此肅政廉訪司者至元廿有八
年以按察司玩廢更其名首選當世人望有風力者為之覲聽
疎然如霆行空必將有所滌蕩震勵至之日列城肅然湖南帶
嶺嶠隔江漢地大去天遠地大故難治去天遠故不盡聞今其

民安俗便不待愬而救貧夫遠利知恥雖欲假一二以徇而厥
罪無由又如秋之為令行于州木已而惟見天高而氣清潦霧
俱盡自亦不知其所以然者于是廉引之建逾年矣俾求文于
序陵以為之記重新制也按春秋未筆削前楚有禱札專記人
之惡夫子以春秋易之而義主于秋湖南故楚貪利之昔也如
札而諸君子之肅也亦如夫子之為秋恭惟

聖天子之命則有辭矣且按察猶廉訪也而必易之而肇撥之
曰肅如加剋弥尊豈貴名哉顧諟之矣按察者日求人過而
肅政者先政已而已矣漢萬石君家不言而令行小不釋意子
弟至無所容措况立乎百官庶民之上不見其形視其影所謂
不怒而民威于鈇鉞者豈可以旦暮致哉必有出于擊斷斬伐
之外矣方諸君子之來也湖南之人相與聞而喜之曰是嘗為某
官者在事之諸賢又必有聞而興者曰是嘗以玉雪稱者則亦
不待褰帷正色攬轡揚轂而不仁者遠矣此其想見風來隱然

而在題名之先者也它日之奏事而歸也都人士聚而觀者不
又曰是嘗為湖南廉訪者夫使天下移風易俗回心而向道者
其在斯人乎其在斯人乎此其屬饜厚望嚮然而題名之後
者也吾江西人也昔者得之徐公子方為曰是嘗為湖南按察
者是嘗為河南按察而肅者是碑之立鏘然如子方前後聯裾
疊佩鳴玉相應不知其亦萬一有能為江西來者乎獨我後我
乎蓋願言不獲如見其人
天下同文前甲集卷第拾

天下同文前甲集卷第十一

碑

華陰清華觀碑

疎齋盧 摯 處道

大華維嶽頰崧瞰岱培塿天下山多嵌岩峻峰崑石水多飛瀑駛湍樹多柏松枯檜杉楮土田上腴與九貢雍合種宜良莠嘉穀其艸木知方術知服食者能采掇以供靈餌奇品其民好老氏言有漢文景相國何參涵靡餘俗其顛明星王女諸峰古列仙之所在來故其下多黃冠居中峰之麓曰雲臺宮址東峰而現者曰清華端履屋于灌木叢薄間仰高為適必之靈臺清華規制殺隆雲臺蜿蜒紆餘而擅登望之勝鄉予自秦移洛俱閻劣不任郡寄宿留于華容渭南壩隱者郝氏凡在月皆道介主舍生徜徉雲臺覽略天寧款白雲紫薇之扁過華嶽現酌醴泉醞玉女以造真常之字窮探函討得清華焉予邀清華屢矣每之焉必自郝氏遵行畎澮徑通衢而南陂阨起伏樹林冥迷雜英野蔓轆轤聯綴雞犬之音喔嚶信寵遷迤墟曲旄耄稚乳病倭投携于荆扉棘樊之間始則熙然以喜復愀然疑得无山靈善幻斷武陵仇池挈之華以境于清華也耶既盤壑陟阜而

至則襄徊徙倚縱目八極涓流驚東入于河中條欲西馳馮翊沙苑之野平蕪點樹渺漠無際叢祠既接現切雲霄俯接邑聚阡陌鄠井如畫蒼龍騰空仙掌下招飄然有乘虛御氣之想高嘯孤咏旁礴宇宙不覺日之夕也主是現者鍊師張姓名曰志希其字望之其術得之養素養素得之無礙無礙得之丹陽丹陽得之重陽重陽得之象因無礙田姓元普名子和字無礙歸也幼服道士服入秦耽悅山數恬夷朴素氣拔倫類既遇至人以全其貞丹陽之歸海上無礙侍行函菴于華承師訓也游方所得取友必端于是王姓居中名者晦迹業履歸稱有道煦濡求教蘭襲玉琢切乎其相資薰乎其相成居中之蛻田復東邁遵海以印術丹陽叅契劉長生神仙而還無礙之道標望閩中矣弟子殆千餘指以居隘不足受衆南其居里所里曰小堡墅曰王墅土膏墳埴地勢敞爽其主王氏以無礙之祭之也歸以其地盡力徙築其興歛焉崇楹睟象既翼孔嚴列徙之序

休賓之舍庖庾庫廡園畦之類井然有條無一不具謂之南庵
苗跡未幾上征及期夫綿用谷神先後天地奚贅于儼冠履歎
言筌而詒其徒神委形以愆世然真粹之精見諸物化者亦寧
異哉

元命維新仁物尚玄即無礙之冠髯以慧照追贈真人田遊金
季菴燬于兵養素復之踵武前撫無替其舊閱紀而後有成昔
之園蓬藿址蕘礫者暈題節絢丹雘矣宅狐兔場樵牧者環簪
裾鏗鐘鼓矣清和尹君名菴清華後因名扁現其菴者貞常李
君養素姓毛氏道行大槩與夫清華肇基再造之緒儕素之塵
者凡八人記刻詳焉素終希嗣清整肅括幹力裕然益崇塔醉
斥廣田疇豐積饒穡倍蓰先業趙尊師者志堅其名髯曰通真
與咸希績趙姓敬信名者寔左右之蓋予見聞清華者如此元
貞丙申予滿河南即移家登封崧亦多陰人羽客之所栖託間
仍其徒經丘緣崖周章跌宕抵掌言論極海內名山水之區未

嘗不西望悠然疊，清華時也歲云暮矣志希敬信犯凜冽跋
嘔嗽發潼華出峭渾往返千有餘里東抵洛汭又東踰鞞轅訪
予山中曰昔公寓華不陋清華不野希輩頻枉後乘以寵立壑
既貞公之詩于鑄惟是清華田槩毛韞日登其隆庸次于希貌
為希也現水無術負薪有覲頽于前人經營救藏之謹期待異
予之重夙宵憂惶罔惟副稱徒翫歲愒日竟不能一髮又嗒焉
兀坐不求之昭代萬古修辭善言德行不移流俗者揭兩師之
懿將遂沉泯無聞希谷責逾不可追倘夫子不靳貽之文亂以
教章裁芻天氏之謠頌諧軒轅之律呂希則持以歸醮靈皇玄
祖奠師真也擇善步虛者歌以格神然後樹碑無為之廷式耀
今古豈惟緩希之愆清華慧照而亦相與不朽矣予惟今之老
其流全真其學者幾人能退伏冲漢守雌用晦下後其高先果
于師說以合乎吾子顏子寔虛有無者誰歆能矣能尚文悅古
道不眩庸孰俗者誰歆求如之人也以久矣望之望之詩不云乎

彼美人兮西方之人兮又曰惟其有之是以似之望之望之鍾者然耶所得耶雖然予非其人也予無以應其求也予有激于中也予不獲辭也既述其事復準楚人祠太乙司命諸神者繫之辭俾後擬騷學仙者交有稽焉無礙趙城人養素平陽人志希秦人記清華者奉天陽煥然今文其碑者涿郡盧摯其辭曰

曩恭皇之渥命兮返周原于載驅將稅駕于洛汭兮迺東遵乎少皞之墟既偃徂以翱翔兮噴貞人之所居澡蘭湯之芳潔兮餽沆瀣之玄舖被虹霓之奇服兮英雲連卷以承車駢蒼螭駟素虬之躡略蚴蟻兮鸞風翻其翼予扶闕尹于岳之阿兮求柱史之焉如美門肅以摛言兮趨王喬之飛鳧搏扶搖而上九萬兮羌六月之一息彼蜩與鸞鳩兮搶榆枋于丈尺夫微心于大空兮既無礙之貞宅麗其所以棲神兮亦猶抱一者載營魄火昆罔于曠塵兮孰職畔乎玉石化榛莽而金碧兮疊嗣玄之孔力擊鐘兮考鼓靈皇兮來下豐隆導前兮泛蜚廉戒羲和為之御瑤席兮瑠俎蕙希兮桂醑邀廣成兮崆峒來浮丘兮縣圃厲鬼兮四裔遂嘉生兮九土民欣兮阜康紛穰兮靈之祐穹堂兮邃宇華之祇兮訶護壽皇興兮終古

天下同文前甲集卷第十一

天下同文前甲集卷第十二

序

送暢爾政純甫序

牧菴姚燧端父

歐陽子為宋一代文宗一皆所友海內豪雋之士計不千百而止及謝希深尹師魯二人者死序集古錄遂有無謝尹知音之

恨嗚呼豈文章也作者雖而知之者猶難欲余嘗思古之人惟其言之可以行後為恃以待他日子雲者出將不病夫舉一世之不余知也今乃若是亦以有知者為快而失之為悲歎余剋首嘗未嘗學文然視輩流所作惟見其不如古人者雖不敢輕非諸口而亦未嘗是之于心也過而自思人之能者余搯慮持論且然余不能之何以免人無嫉賢之譏乎年二十四始取韓文讀之定筆試為持以示人譬如童子鬪艸彼能是余亦能是彼有是余亦有是特為士林禦侮之一技焉耳或謂有作者風私心益不喜以為彼忠厚者不欲遽相斥笑姑為是諛言以愚之不然殆鼓舞之希進其成也自是蒙恥益作既示之人且就正于吾先師先師亦賞其辭而戒之曰弓矢為物以待盜也使盜得之亦將待人文章固發聞士子之利器然先有能一世之名將何以應人之見後者哉非其人而與之與非其人而拒之均罪也非周身斯世之道也余用是廢作有亦不以示之人矣

純甫自言得余隻字一言不棄而錄之又言世无知公者豈惟知之讀而能句之而得其意者猶寡嗚呼世固有厭空桑之瑟而聞鼓缶者乎然文章以道輕重道以文章輕重世復有班孟堅者出表古今人物九品中必以一等置歐陽子則為去聖賢也有級而不遠其文雖無謝尹之知不害于行後猶以失之為悲下下之外豈別有等可以置余為哉則為去聖賢也无級而絕遠其文如風花之去水霜葉之委土朝夕腐耳豈有一言幾乎古可聞之將來乎純甫獨信之自余不可不謂之知己足為百年之快恐純甫由此而取海內不知言之非也然純甫宴善文其不輕以出者將以今為未積而至于它日以騷雅末流曲謨一代乎將恃夫蒞民既為循吏持憲既為才御史富民又為良大農道行一皆無暇于為言乎豈以世莫已知有之而退藏于密也由積而為書他日與道行一暇時無暇于言則可由莫已知而不出若余也雖不善文而善知文則純甫為失人矣今

以農副行田隴石于其別也叙以問之
天下同文前甲集卷第十二

夫下同文前甲集卷第十三

序

送段郁文序

須溪劉辰翁會孟

郁文段君以東平書生為吾州知事數相過論文說詩氣相固
甚善然北來馬上君獨守文飾吏視書如律得迂滯踈廢吾
南士政坐此它日聞某事某事強人意必郁文郁文及其甚剛難
事之長蒙茸枘鑿解不決裂敗意君從容其間能使曲就條理
感移變化而人不知亦由其審細不倦而又平心以規理微言
以達意故侃然獨立而勿忤使專政得民不愆于素所謂諱畫
詎止此吾平生觸事感憤或急欲語不自達雖消磨至尽終覺
激至梗塞故知為郁文者難也吾州事紛糾百它郡語言成市
吾閑居絕物犹有議其傲病其貞者罪不可亮故知為郁文者
難也惜也君去我使我無益友以文過使吾民不得豈弟以遯
獨有一于此推此心事長上位宜得輔推此心事君無遂事而
諫物之蒙利者當益廣而予獨不得不闕然者郁文不當獨厚
我也嗟乎復有虛心好問如郁文者乎蓋顛倒羅列之餘而皆
君亦自有也

長沙死事本末後序

青山趙文宜可

嗚呼丙子之事長沙郡死事者不可勝數其大者帥肯齋李公
芾總漕泉岩鍾公蜚英不至一省漳瀆如趙府園池赴水死者
數千運司圍樹自絕脰者如偃師縈城破日城中無虛井而
家自相屠縱火焚尸者比比而是圍城三月死鋒刃死矢石復

不知幾千人是何楚之多鬼雄也抑其間死而無名以傳者既可悲至如泉岩鍾公死而不得名更得謗雖公心事上通于天自靖自獻于一祖十四宗者浩無愧怍天下後世之知與否非所計然志士仁人殺身而不得成名閭巷小人但見其迹自為臆說知其事者復坐視不為一言曰何預我事如此何以學士大夫為余得李元美所以為長沙本末載公死事甚悉元美在圍城中親見公死非他人傳說者比又曰元美公婚論出于其壻誰能信之計公是皆所欲為預謀者不過心腹數人教人之中生存者無幾幸而有一元美親見其事述之以語人則又不出此之信而閭巷臆說之信亦真昌黎所謂不樂成人之美者矣余每見長沙士人嘗在圍城中者以李鍾二公之死問之往往有能言者大抵與元美之說合公生平以人物自負亦頗好奇其死而得謗亦好奇之報也太史公言臧獲僕妾猶能引決長沙一城人引決者何限豈以公之勇而不能求一快而死自以為賢于潯濱公之意正如此而不知其事之難計之左以受身後之曖昧也夫所貴乎昭諫雪在悼屈哀窮者謂其拔之曖昧而光明之也若肯齋之死則何俟乎言程嬰曰死易立孤難爾公孫杵臼曰子強為其難者吾為其易者請先死悲夫使程嬰之事不成亦孰知嬰之後死難于杵臼之先死哉現肯齋之告泉岩曰希老矣不能為此公善自圖之萬一事成希為厲鬼相助此與公孫杵臼自為其易而使程嬰為其難蓋相類泉岩之事不幸無成使其得如豫讓一擊衣而死誰不快之誰謂公之死不光明俊偉哉公倅廬陵時寔提督鷺洲書院余以諸生間得見頗以文字見知未幾則公去廬陵矣非深交也竊獨悲公盛心大節不表見于後世故書之元美編後公之精神往來霄漢之表未必不聞吾言而犹然笑之也至元癸巳十二月前大學進士廬陵趙文拜手書

天下同文前甲集卷第十四

序

送郭肅政安道序

牧菴姚燧端父

書有道有体有勢謂為大耶周官則班之六藝謂細耶次之礼樂雜耶舉天下之人孰不為之易耶則曠一代能名世者不數人若是者亦未可以細視易言之也斯其道也其体則有篆隸草三等本而上之草出隸、出篆則篆者書之源或曰隸而下有正走則曰唐湖刺楊漢公跋干祿字書以顏魯公隸書為盡鍾繇之精能則正者寔隸也其勢則有拘有放篆譬則弁冕端委之人將執事于郊廟于其趨踣、其循周旋則至圓不能加規折旋則至方不能過矩隸則常服燕居不可多拘家人視

以為嚴君而亦不可少放草則雄勇武夫纓曼胡而衣短浚挺矛運鉞進踴退躍橫入傍出頓挫起抑揮霍斫拂極其放而惟吾意之所至焉然為是者雖出乎手而心為之師心拘亦拘心放亦放未有心放而能篆亦未有心拘而能草勢必至理必然者也走嘗現今為篆者無枚舉其誰求一蹴而可臻古人之闡凡者則郭肅政安道一人焉耳夫曰為是拘藝則心存而不放豈不幾于克念作聖者耶視走之惟事乎艸心放而不知拘者遠相萬也安道號西塾好學而善文無字是則書不能獨振耀今之世矣將別而糾郡于岳叙以問之

送易數梁生序 并詩

養吾李謹思明通

易堂梁氏丁拱敷以邀求詩若文婦華其堂屢質于予、曰嘻乎而將歸乎而誰與歸、有方乘焉有鄉先生為習其讀問其傳不知其人可乎某也漢上某也梁谿其于易也醉心焉平生

脫藁神為護持硯池筆塚靈氣浮動至于今不死公宜避堂以
舍之縈齋十旬四无人教函絃吾詩亂以商徵其趨虛而一其
音清越以長若恍若惚若或感通茫而端拜俟命焉若或夢兩
翁鑿其方心納以神策厥惟休符厥學當大進詩曰

羲皇去我久無地供冥搜妙言聊云々遐瞻莽悠々晨薌展瑤
匣夕炬橫牙籌謂言古龜龍不隔風馬牛向來寔地人亦企空
中樓居然神界敞倏用飛光適寥々北學餘奕々東家丘叢書
擁西洛挾策行南阪芟荒出遠景決湘延清流事當艰虞初功
與經濟侔靈蹤連蚶蜃逸響遙颼颼何當夜半期強作三日留
三熏奉談塵再拜停婦駟盤礴了卓濶挾摛窮微函為天補閏
餘與世懸春秋肯傾付墮甌運值仍虛舟不聆車馬喧賴有道
遙游千歲我几傍兩翁公屋頭城古窪方還山深虹更浮物化
難重尋容行將小休篋尊擬吉旦琳桂隨嘉羞遺子送迎詞非
翁諒誰謀

天下同文前甲集卷第十四

天下同文前甲集卷第十五

序

送蒙古荆教授序

青山趙文宜可

古今書殊文一貨字也黃帝譽高陽商周之貨齊莒之刀凡
十三文一金字也古幣黃帝貨帝吳帝譽金商之鍾周之鉦晉
之鼎凡七文蓋古之書特以代結繩有文無義其依緣意想而
取策皆古人所為爾吾嘗疑

國書本于梵書華以一音該一字梵以一字貫數音其左旋其
偏纏其橫綴皆有今

國書意華有象形之文梵亦有之如歲之為縛是也其二合三

合四合而成字皆字母所生華嚴經載善知衆藝童子得菩薩
字智已有四十二字，母之說故知

國書似出佛書也今天下言佛之言字佛之字吾佛國之民也
非大幸欽蒙古教授直定荆飛卿精于

國書初豐城既改富州頒州印用之且十七八歲飛卿至辨之
曰此撫州非富州也然後州請于

朝而改鑄為富州印字荆教授始飛卿教授于此人，愛其和
易而可親吾極欲從君學奇字恨老矣

送黃現樂連州學正序

養吾劉 將孫 尚父

往予將入閩與現樂遇東湖之上現樂慨然有歸志予疆之小
恐現樂掉頭不顧曰吾館穀幸不乏徒為諸君甘言飴我使我
在此如雞肋予復上下前輩出 遇合以室其意去四三年予

歸自汀漳現樂奉 省檄為連州學正相見復慨然曰吾歸休
矣問何故則具言連遠諸不便狀今年方厓蕭御史別時約為
金陵來叻治行而方厓遽盛年去我念平生知己初出山也惟
是公之故今其已矣初遇處復尔吾本色止合教書甬三誦后
山妾薄命篇相視潛然復示予以其祭文詞指尤哀予為舉鄉
先進魁大學第初筮董教連州今以州不設學教正教授等耳
其亦不可少也現樂誼高而志遠殊不屑于斯人斯才之日老
也則張皇連州之美倡其親若友而道之以言曰陽山天下之
佳處也山水之勝昌黎固以為有名平生作記惟燕喜亭與滕
王閣而二劉夢得以為炎州之涼墟則與中土無異張南軒賦
為八景則又與衡湘抗衡唐之列韓浚來魏公父子皆嘗居之
若東西州繁富雄麗則有之矣人物地望無是也君所為不足
者特夫人而得所宜乃鬱 居此抑吾聞之無味者其足味者
也雖僻亦必有善士道雖遠未若昌黎夢得之所為來學雖少

廩稍薄亦未必無一囊粟也率其父兄勗其子弟友其賢大夫
飲水而讀書觀山而訪古安往而不得吾貧饜儉有餘福用寡
無遺責擅清事足盡興以此視彼豈不足味耶抑吾又聞之前
利者後趨往諸老嘗為言吾州仕者連為利如魯東軒蕭南谷
陳靜山皆善于連或自連而升朱約山晏子郡不上獨守連終
更夫規染之聞斯言也豈不足以行矣夫

薛昂夫詩集序

翰林直學士奉政大夫知制誥同修國史王

德淵

薛超吾字昂夫其氏族為回鶻人其名為蒙古人其字為漢人
蓋人之生世封域不同瓜瓞綿互而能氏不忘祖孝也仕

元朝明聖之代蒙

元朝水土之恩名不忘國忠也讀中夏模範之書免馬牛襟裾
之誦字不忘師智也惟孝與忠智根本立矣夫藻柯葉又何難

為今觀集中詩詞新嚴漂逸如龍駒奮迅有並驅八駿一日千
里之想振珂頓轡未見其止雖然孔孟生知淑質學就有漸况
其下者乎孔子四十不惑孟子四十不動心是四十以前孔孟
猶慮有時而動心矣昂夫之齒尚少今甫三十有一余欲與期
之于十年之後德充氣老閨中肆外花殞而宴甘糠揚而米鑿
必有非復前日吳下之嘆且金日碑珥貂于漢哥舒翰建節于
唐率多武臣少見文士昂夫誠能簣進川增獨破天荒異時列
名于儒林文苑傳中出類拔萃超越前古顧不偉歟
天下同文前甲集卷第十五

天下同文前甲集卷第十六

賦

大都賦

竊惟

大元之盛兩漢萬不及也然班固作二都賦天下後世誇耀不朽今宇宙昇平宜播厥頌文仲幸生

聖世獲觀大都雖不克效其聳牙之文繁艷之語亦不願聞其

奢靡之政浮誇之言謹擴其事撰大都賦上于

翰林國史請以備采擇之萬一其賦曰

有客以風雲為氣江海為量一蹈萬里顧盼伊壯嘗掉鞅

金陵鼓柷錢塘浮汴入洛西游咸陽臨殘城之餘景黯烟

艸其悲涼悲哉敗國之迹何必于此乎彷徨方今

天廓一宗地合八埏

皇居帝闕新宅于燕萬方臣妾因不後先猶北辰之朝列宿東

海之會百川今也不徃白首何年道齊魯以前邁歷趙魏

而北轅亦既至止現于都內非雷而喧非電而奔恍兮恍

兮殆夫所存大都主人目而招之曰子豈出蛙坎而望滄

渤脫蟻封而觀瑤崑者耶何神志不定四顧市人若將襲

而問之也客曰唯予行天下多矣獨此大都足不及履

城闕之雄風物之異幸子告我毋以為鄙竊聞燕之為壤

古曰幽州召公拓其規昭王闡其猷慕容據之以爭中夏

完顏臨之以朝諸侯名蹤勝跡萬歲千秋子能舉之否乎

主人撫掌而笑曰固哉客之問也彼小國一君偏方一主

朝盛夕衰何足以語維昔之燕城南廢郭維今之燕天下

大都宇宙千齡而啟運

帝王一出而應符山川改現民物易居開天拓地自作制度豈

轍人之軌而躡人之跡哉

太祖皇帝之龍興也乘軋位王水德耀玄武撫璿極鉄騎長驅

金烬奄熄控扼南于為駐蹕

列聖相承有事疆場頽宮室其未遑日飭厲乎兵革

世祖皇帝神聖武文既傳國以建號復紀元而書春祿變策而
馭群雄臨水火而救兆民授闡鉞者如靖如勳運廟謨者
如張如陳有角皆崩無弗馴雨露所被知其澤風霆所
至知其神是宅是囿以取以守恢

皇基于億載隆畿制于九有因海內以為池即瓊島而為
囿近則東有潞河之饒西有香山之阜南有柳林之區北
有居庸之口遠則易河滹水帶其前龍門孤嶺屏其後
菑鴨綠浮其左五臺常山阻其右所謂子孫萬世帝王之
業與海岳相為長久者也乃樹厥墉乃鳩厥功畫萬址以
效地連萬雉而橫空高謂山兮何平長謂堤兮何崇闕門
十一四達幢上蓋体之而立象允合乎五六天地之中前
則五門駢啟雙闕對聳靈獸翔題而若飛怒視負柱而欲
動東華西華翼其旁左掖右掖夾而拱開厚載以北巡迤
邐乎行在之供奉內則宮殿突兀樓閣扶擁如峯之攢如

濤之涌瓦與天一色而琉璃滑壁與霞爭光而懸脂重岩
、堯、纁、縹、、縹、、金、楠、雕、楹、華、栊、形、檫、揭、崇、天、之、扁、于、雲
端卓鎮雷之竿于漢表奮角張牙衡脊鼓翼浮動于蒼松
翠檜之杪後則奇峰怪石噴、岬、、異、葩、珍、藹、檀、、、、
紅者珊瑚青者琅玕亦舫其白亦錦其班中有帟豹屏象
熊豕鹿猿鷹鷂鷓鴣猛足健翰莫不承恩被澤飛走乎其
間又有西天比丘傳戒伏魔手繙金字頭茸緒毛輦內昇
酒鳴鼓吹螺居之圓殿為國護持出入清禁莫之誰何上
有廣寒莫于嵯峨聽政之殿憂民之勞御步輦以臨幸垂
天目千秋毫下引西山之淪漪蟠御滸而溶滸經白玉之
虹橋出宮墻而南逝以佃以漁以舟以楫普為萬民之利
聖人之心可謂至矣且以一統之大四海之富非不能窮美而
極麗固將昭恭儉之先謀垂法則于後世也于是東立
太廟昭孝敬焉西建儲宮衍鴻慶焉中書

帝前六官稟為樞府

帝傍六師聽為百僚分職一臺正為國學崇化四方景為

王邸侯第藩以屏為神州赤縣首承令為彬、乎簪笏之
林古無此盛矣乃闢東渠登我漕運鑿潞河之垠堦注矣
海之清濶延六十里緒以九堰自汴以北者輓河而輸自
淮以南者帆海而進因不知置民不知困遂使天下之旅
重可輕而遠可近揚波之櫓多于東溟之魚馳風之檣繁
于南山之筍一水既道萬貨如糞是惟

聖澤之一端已涵泳而無盡論其市廛則通衢交錯列巷
紛紜大可以並百蹄小可以方八輪街東之望街西勢而
見鬚而聞城南之走城北出而晨歸而昏華區錦市聚四
海之珍異歌棚舞榭選九州之穠芬招提擬乎宸居屢肆
主于宮門酤戶何燁、哉扁斗大之金字富民何振、哉
服龍盤之綉文奴隸雜處而無辨王侯並驅而不分屠千

首以終朝釀萬石而一句復有降虵搏虎之技援禽藏馮
之戲驅鬼役神之術談天論地之藝皆能以盡人之心而
蕩人之魂是故猛火烈山車之轟也怒風搏潮市之殺也
長雲偃道馬之塵也殷雷動地鼓之鳴也繁庶之極莫得
而名也若乃城闔之外則文明為軸艫之津鹿正為衣冠
之海順城為南商之藪平則為西賈之派天生地產鬼寶
神愛人造物化山竒海怪不求而自至不集而自萃是以
吾都之人室無白丁菴無浪蕩累贏于毫毛運意于菰倍
一日之間一闔之內重穀數百交湊闐闐初不計乎人之
肩與驢之背雖川流雲合無鞅而來而隨消隨散查不知
其何在至其貨殖之家如王如孔張筵列宴招親會朋誇
耀都人而幾千萬貫者其視鐘鼎豈不若土芥也哉若夫
歌館吹臺侯園相苑長袖輕裾危絃急管結春柳以牽愁
佇秋月而流盼臨翠池而暑消褰綉幌而雲暖一笑金千

一食錢萬此則他方巨賈遠土謁宦樂以消憂流而忘返
吾都人往，面諛而背訕之也言其郊原則春晚冰融而
霽土沃平，綿，天接四目萬犂散漫兮鷓點，千村錯
落兮蜂簇，龍見而凍根載茁火而早粳漸熟柳暗而始
蒔瓜束花而犹播穀我州數畝可易一夫之粟治蔬千畦
可當萬戶之祿寒露既零雄風亦高率婦子以刈鉅憂氣
候之蹉跎來輒去轂如乳蟻之潰垤千困萬庾若急雨之
漚長河爰滌我場其樂孔多有門外之黃雞玄鼠與沙際
之綠鳧白鷺收霜菜以為菹釀雪米以為醪社長不見呼
縣官不見科喜豐年之無價感

聖化而謳歌嗟夫飢者

帝食之寒者

帝衣之居者

帝安之亂者

帝治之中統之深恩至元之厚惠民之思之庸有既乎矧我

皇上續

二世之洪烈紹

六世之宏基明侔乎兩曜令信乎四時惠顧下土載謀載惟謂

一農不遂其畊則四民或受其飢傷我畜者帛狼害我苗
者鹿麋每歲孟春親御六飛南臨漫衍大獵乎滌水之湄
萬騎分馳霆奮颺發弦鳴禽落網動獸蹶百鷲舉層云裂
群麋奔葦州絕飛者委毛走者僵血虞衡奏功

天子乃悅匪耽意于游畷將諱武以蒐閱畢獻禽而行賞迴翠
華而北轍遂幸上都避暑于朔慮收畜之妨農逐水州于
廣莫雲端以南既芟既獲徐擁輿衛母俾民虐千官領至
群樂大作

天子之心為民而樂弥畿甸之千里慈扈駕之部落維牛維羊
維馬維駱負民以百計富者以千約民之五雞二堯何遼

邈哉由是慶區宇之昇平彰穹昊之明玳嚴
聖心之翼，爰潔脩乎祀饗道流間南北之音釋子雜蕃漢之
狀步虛而款鸞霍演樂而供獅象穆，在前赫，在上非
沉非甲而在乎明德之馨香於戲

列祖造之

聖主保之賢臣佐之兆民好之

上帝無私善必報之故詩以太平為萬年書以皇極為五福天
人相與之際殊無奇術異道也猗歎盛哉大都之事何可
勝紀吾綱提而領挈之使甬啟聲而聽刮盲而視嘗鄙夫
二都之賦虫魚艸木何大瑣細吾若效之將與子談三月
而不止客然醯人誇釀酒人誇釀母怪乎當皆之士好鼓
舌而搖唇古我帝王自冀至洛惟以都名漢唐東西因以
方名吳蜀魏汴咸以地名今名以大誅孰甚焉主人夜乎
色曰甬言過矣豈謂鴻之翻而猶鵬之翻蜥之鱗亦猶龍

之鱗耶大之為義無匹無倫非我

皇上之 疇克當之汝復坐而聽吾所云帝不爭土王始制地

始為萬國終為七氏畿封之內會盟戰誓自君自長何有
于天子厥後能統一者秦漢晉隋唐而已西至于玉關東
至于遼水北至于幽陵南至于交趾得蹠者失橫有此者
無彼大哉

天朝萬古一時淶江成血唐不能師今我史之遼陽高麗銀城
如鉄宋不能窺今我臣之回鶻河西漢立銅柱馮無南蹄
今我置府交占雲黎秦築長城土止北陲今我故境陰山
仇池歟舌螺髮鷲面雕題獻葵效馬貢象進犀終釋乎國
門之道不出戶而八蛮九夷謂之大都不亦宜乎客曰博
哉子之所言上周乎軋下括乎坤故能獨高萬古而歸曰
大元于是主人曰未也甬知其大未知其所以大是猶遠望巨
峰而不見其址近覩長江而不見其源吳起不以西河為

美而德其美矣敬不以洛陽為安而德是安况魏、蕩、
之境必有強其本而壯其根者也且夫隋主歸隋周王入
秦山陽祖送萬古悲辛惟我

國家待降以賓貌江南之趙孤能納土而稱臣既寵之以
封爵復全之以終身彼南巢之放就有慙乎古人孰大乎
吾

天子之仁元封彈力西南之墟貞觀暴骨東南之土一人逞欲
萬姓何苦惟我

國家止戈為武謂荒裔之民得之不利于用謂贅疣之地
取之不益于富罷橫海之戈船但遣使而存撫彼有苗之
誓犹且蹂于師旅孰大乎吾

天子之怒羽林象天之儀衛梨園傳月之音樂

帝皆是却不警不蹕從百僚之控霍何其然也舜德之大臨下
簡也江都錦綉亦可赧也織坊爛霞之金綉局委雲之茸

帝不是用以彰美吾聖躬何其然也周德之大在位儉也商憂

玉衣亦可念也惟我

聖王五輅不乘八駕不駕而則獨乘象輿零則龍御龍馬何其
然也念我

烈祖銖衣兩汗勿敢安也神禹之大胼胝四載思艱難也惟我
聖皇奉

坤母建隆福正事御楹五華宮不為廣殿不為奢何其然也念
我

先皇居數十年勿敢改也唐堯之大土階三尺防驕秦也若乃
國之大宝惟忠惟亮

聖皇思之是崇是尚可官也不以勲門不以世賞可擢也或賈
或術或伶或匠開東閣者載搜載訪寧不起膠鬲于魚鹽
拔百里于廝養國之大鑑惟

天惟

祖

聖王奉之是暢是惧瞻替象則宥刑聞水旱則蠲賦百官貢香

如

帝親舉祇見

宗廟俎豆鐘鼓弥天浮屠浩不可數晉閱法藏幣帛金楮
變陰陽者載佐載助寧不覩景星而瞻慶雲酌醴泉而飲
甘露國之大柄惟賞惟刑

聖王操之或重是輕或錫之黃白予之土田而賜之乘服非必

大功也以一技一善亦人之所能或釋之桎梏免之斧鑕
而周之金縢非必大惡也以一形一氣亦人之所生掌邦
典者持權而視衡寧不陋微袴之韓侯隘不赦之孔明國
之大本惟民惟社

聖皇憂之靡夙靡夜勞矣哉遣問疾苦困矣哉詔卹矜寡庶獄

繁裁宥之以洗冤貧夫毒哉戮之以懲下居郡國者承流

而宣化寧不敬康衢之謠播行葦之雅至若親也則諸

王鞏磐石之宗分邊戍總兵戎老也則大臣忘祖帳之

送奉朝請食鼎鐘柔遠也至簡至易亶明亶聰大綱既舉

大化亦洪將胥慕于稷契孰肯附于鯀共丕顛哉

聖皇之德日盛日隆前乎百世不得軌其步後乎百世不得踵

其蹤惟其有

大德之大故能成

大元之功惟其有

大元之大故能成

大都之雄客曰問一得三云胡不喜維茲三代孰得而比

主人曰詩不云乎維其有之是以似之夫元者天地之苞

也德者天地之美也都者天地之會也微天地之大孰能

比于此哉容起而歌曰天其玄兮地其黃兮維此

大都統萬方兮天其生兮地其遂兮維此

大德固萬類兮天其高兮地其厚兮維此

大元齊

萬壽兮恭望


闕庭頓拜舞蹈而退

登太白山賦

西白釋 希陵

伊天地幹乎周流之妙疑為山岳以峭巍基甬東之絕域鎮坤
軸之傾危煒標名于太白乃屏翰于王畿龍從銜乎齊嶠岨
配乎九疑懦夫仰窺而神悚智者涉險而討奇懷曠遠而感興
時晚晚以為追浚中情之孤潔仰先哲而遜肥超埃塵于物表
世酣昏而不知攀翠嶂之崇嶺躡青磴之嶢嶢攀膠葛之綿
歌南風而廣綏擊蓼莪之菁，嘆劬勞而遠思碩商丘之麥秀
閔周室之黍離埃壤而骨委貞良榛路而魂埋姝姿楚狐嗥而
雪暝飢鶩搏而風淒恍焉在目寧不我悲南望則地連台獻或

停之如鷲潛之如螭灌莽雜而香，業薄紛而披，曇猷飛錫
而揮霍王喬控雀而離襪食霞形壁餌玉青崖或幽或隱沙烟
濛迷東極則勢臨瀛渤或風濤澎湃海若躡窮俶越日本雞
林之闕賈舶運珠而載犀鰲背屹圓嶠方壺之勝通仙絕粒而
茹之巨石流，之深漂洪波溺，之渺瀰青鱗跳鱗青鮪揚鬚
馬御彷彿天吳閃屍狀如走獸或似奔獮奇，詭，不可考稽
塗泥鹵而勿獲民漁鹽而貨孽千艘萬檣捕風駛馳登高望遠
使人心疲上覩靈湫之感沸泉脉黛盈而忽虧龍躍浪以蜿
蜒或出顯而入微電躔雲搖雷激電飛下瞰佛宮之煒麗炳乎
覩史之騰輝隆棟黻鳩而聳動飛掃獸鬼而躡蹊銅虬逸楹彩
鳳翬榻鏗鯨代鼉音韻昂依集毳袍之濟，振金策之儀，天
人駿走神物衛威寔聖賢之所覩匪凡俗之敢窺春陽則萬木
叢生葱蘢歲稔異花披馥幽蘭芳菲菓林翠羽出谷黃鸝嚶，
闕，翔，岐，夏日流金松風彈絲音盈耳而冷，又溢目而




卷17-卷18

徽，抗手伯牙絕聽鍾期枕沅漱石恍慨忘歸秋霜脫葉何州
不萎木魅畫驚山鼉夜啼豐穰蚡啖妖媚治夷天慘，而壯士
增憤風颼，而游子悽羈玄冬凝沍而雪雰霏光烟晃于瓊石
殺琮琤于琳枝月清藻瀾霍舞瑤池步蓬萊之靈女游洛浦之
宓妃垂環珮之的皪褊雜錯之琛縞詠來思之什哀黃竹之辭
皆山之通乎升降之氣合四序寒暑之推移予乃周覽既畢体
舒神怡駕混沌之游軌追鳥有生之同嬉簸日月之双丸眇天
地之一梯鵬鷄自樂彭殤自齊不嫌盜跖不慕仲尼是吾，是
非吾，非熙，宴太和之春色吾又何知乎牛首伏犧
天下同文前甲集卷第十六

天下同文前甲集卷第十九

書

寄康軍國書



疎齋盧

摯



十一月十有一日山中人盧摯頓首再拜上記

辯章軍國相公閣下自閣下高揖端右摯即欲專介奏尺牘為
賀願以職在列郡屬吏限域遼絕俱獲僭踰之罪作而復輟者
數矣受代後僑寓僻左徒惘歎鬱積竟未能徹左右疎慢之責
諒閣下有以恕之伏惟吾相鍾軋坤之奇氣負天人之粹學年
未四十位極人臣得時行道衆所屬望而培風九萬六月以息
海內播紳先生賢有識者莫不昌言德聽恍慨嘆以為閣下進
退之際雍容愷樂作止造次動諧架護信乎其為中流砥柱近
古所謂社稷大臣者矣矧如摯者辱在知舊其鄉慕為何如摯
滿河南而遂來登封登封者邑崧高之麓李唐世則摯遠祖大

諫徵君今盧川距東郭一舍而近徵君宅遺址犹存曰盧岩者
徵君讀書授徒處也其所以姓是岩若川者皆以大諫故拾遺
李君渤退之所謂景星鳳凰者宋劉秘監伯壽金季馮牀猷雷
希顏元裕之諸人皆徜徉其中地素多釋老所居占幽勝而極
清深挈皆從以學者五六月人精舍閣館隨所之適無非樂境
諸生橫經就列至于羽流禪客輩亦于然而來環立拱聽豈
然有趨步名教意松茂咸謂馮雷而往教金振玉絕響岩壑
久矣不圖今日復見斯文茲山之靈與有榮耀雖然松茂豈真
知言哉挈曷能步武馮雷也抑挈之寓于是其聞吾相之風而
興者非耶其亦揣分揆力挈又不得不然者也起居之時而適
也須用之簡而給也息物役也種學殖也悅寬閑而恬寂莫也
揣分揆力不敢冒昧微覲自同闕茸以獲訊吾相者也挈既放
閒山水閒得日從事文墨淫絳宿習涉秋至今近藁詩文索之
几格間得廿餘篇非敢儕擬古著書立言者抽思自娛其庶幾
為遣有燕便其人行忽不能少待又山城卒無好紙可繕偶
今徃古文一古詩五特以見敬仰大君子之素心爾論道之間
及游藝次俾一治書蒼頭洛誦于前閣下伏几而聽之雖不足
以當清廟之瑟較之吹簫等歌楚下里者固有間矣挈悚息再
拜

為潭學聘姚江村書

疎齋盧 挈 處道

大德四年歲合庚子冬十一月七日後學涿郡盧挈頓首再拜
奉書 江村先生執事挈由諸生承乏侍從遂叨持憲節膺一
道之寄始來湘中竊伏惟念材能謏薄無所肖似既賦印省俗
謁 先聖校官誠不自揆力揆分蓋常以蜀之文翁閣之常袞
自詭庶幾無負

國家委任部使者勉勵宣明之意而潭學素踈多士志于殖學
藝又不融流俗篤好古道者莫不踴躍振濯搦觚挈牘咀英藹

嗽芳潤以求理義之指歸辭學之統緒是正其所未至而難其
人不惟縫掖諸生之所攀、至于搢紳處士願欲喜樂者林、
然疊、焉、莫不以得師取友為務為言者皆是也、摯是皆為
言江村先生之賢向也、得其人于文字中、前歲使過、筠亦嘗現
道德聽言論于、須臾之頃、迄今耿耿不能忘也、蓋先生之文先
秦西漢之文而有得于洙泗濂洛之傳、本六籍而支三傳、左右
以群史諸子者也、其淵粹博瞻當與王介甫曾子固頡頏、至于
近代葉適洪咨夔劉克莊諸人、則瞠若予其後塵也、摯知先生
者如此、摯也言之、潭之搢紳逢掖、然之居無何、摯以不習風土
得疾在告、瀕于危殆者、屢矣、移病歸田之章、至于數四、竟未得
請、迨秋冬之交、方稍、向平前月初吉、爰舉糶菜之典、文學諸
君遂復有絳帳江村之請、即與議往、司諱黎生季方、飭禮幣以
東、若夫弟子師事之勤、具于別幅、俾不肖者尺牘先焉、惟先生
慨然而來、嘉惠學徒、使如摯者、亦皆、造跡衿佩之末、以摳衣
函丈、日聞所未聞、見所未見、湖湘之間、文風丕變、不惟此邦盛
事、使楚越列郡亦皆靡然、知所興起、異昔摯獲附驥尾、有先汗
青之編、果可以儼蜀文匹、閩衮者、寔昉于先生、豈不偉歟、或者
有謂先生作止語、默之間、靜重不苟、雖摯與諸生、所以向慕依
託者、出于、悽、之誠、乃輕于然諾、不于再于三、然後命駕、則師
道不尊、或微辭婉意、以自諉、則摯竊謂先生必不然矣、蓋見義
勇為、樂與人為善、寔虛焉有無、為摯知先生者如此、若夫握瑜
懷瑾、以自珍、佩蘭襲芳、以自潔、珍則珍矣、清則清矣、畢乎時中
者矣、先生必不然矣、惟先生亮之、

天下同文前甲集卷第十九

天下同文前甲集卷第二十

書

荅疎齋書

江村姚雲

雲承手記教督切至文義爾雅曠若復面不異結駟過門耳提之也焜耀側陋之望拜命之辱然不肖承賢則義有隱于懷者用竭誠款竊自通于左右惟長沙望衡浸湘秀毓異產士涵煦儒澤為碩人元夫服忠信殉節義者具如史

上稽古右文柔遠明公勞使浚而使之既讀命奉職慨然懷古良吏庶幾往欽祀樂華遠之指乃筮吉皮弁祭菜教以禮敬諸生奔走擯相得未嘗有甚盛甚休又謂教民由學必立之師固宜旅者後植經師如常于闈唐韓于潮德王子鄭醇始稱尊異今勤行礼謨書具幣涉江越楚獨先一篠簣之吏得毋譁嘲怪玷初筵乎往年鄭華子之使傾蓋須臾語耳其壅救撲愚已不自揜是年冬得篤疾日口血不乾如是三月不死亟絕人事屏書冊收召營魄而神明異于昔矣及今見壺

子者未必不返走也搢紳先生思其盛壯猶以為可教重席吏帛而求之期以往哲誦學之益甚矣君子樂善而成美也畫龍市駿感厲隱約自有當其招而往者而僕非其人也况師道廢而名不可居也久矣有若代席致辱卸輿任道蒙患况季世輟生之鮮聞者乎絳帳之謂尤重其循墻拊耳而不敢唯也昔魏^侯致隱士祿万国入歌其恭敬猶有踰墻而避者屈穀獻執嘲居士之厚不可割堅不可盛徒仰人而食盖有用之為無用名浮而寔不隨者君子諱之愚瞽冒而弗忘不可也若明公逆其微辭婉讓又甚不然矣然僕徘徊而未自絕者亦復思惟海內知己如明公者幾見撰屨羸糧不遠千里疏達凝滯固素所蓄積也今英蕩之光七百^里之近無迥迥涉阻之艱人生幾何會合弥重寧以老病疏乎刘夢得嘗言蘇味道為綉衣使者宋廣平投梅卷賦由是延譽為聞人先後進相須理也或疑廣平大雅不應至此石處士得書幣不告妻子朋友速于就道韓子訊之

二賢所行皆非僕所敢從者亦非明公之所以望我者也大夫
感知己一諾必償于再于三敢以是煩執事哉伏惟明公以耆
儒真學士居孔融李膺之任誕敷文教使南服知
孔道與

王化遠迹聞風而興不待期月可也奚取于朽敝之器來教侈
于褒寵厚于望待恐翔而舞者滋去人遠也然盛意敢不拜竊
有近比昔元晦自閩入湘訪欽夫談辨踰月今尚在長老之耳
僕視前修猶泰山一垤無足比數而明公文學師表當代則或
踰于欽夫者矣此猶願密迎攻擊者也春服既成其自詣龍門
之期乎既見君子樂且有儀王倪之不答盧敖之舉臂孫阮之
交嘯皆道也未既于言者副墨具之惟執事亮察而已

答潭學教授書

江村姚雲

教授徵君足下惟近世箋記鱗幅而異列所以交于貴且長者

非野人宜蒙于時賢者也以簡居欲用復于左右幸執事察之
南國价藩惟長沙定陶之考討逆之義譙恣之節炳然殺青鬼
然融廩峙其專門道義之緒盟府敵愾之勲又融廩不得當
其奇也豪傑無文猶與部使者布宣

上指察俗弘化烝其髦士于博士文學執事諸賢特膺斯選夫
以成均之宿彥獻宣之象賢淵源敷于教思薰而化者可觀已
唐宋五百載岳麓甲四書院為孔教權輿今文化陶海內深復
始湘无疑教覃流氣類興起四方孫篋吾哀獨後耳不謂謙
光遠貽手畢專士儷幣甲之好辭若不翅敬教者豈使者嘗欺
之耶主臣主臣始僕由科舉玷科目既墮乘微學殖益落年來
湛伏農牧消削白日應俗云：類迫而後應或嗜其鄙拙因謂
近古何可使予布見之憲使先生身通文獻之統獻納禁近諸
詢原暹汲：得賢明道之寄胸八九雲夢不蠱芥犹不遺對菲
者良梓收瘵禾富賈居燕石使名附家集如杜醇焦千之輩耳

豈謂其誠有絕人者哉諸公信郭許之鑒略嫫媸之醜即欲引而進之前哲之道若庶幾粗有益于諱習者豈自附于問襄從却不厭不倦之義乎何陳誼之高也味其言愈益洞于懷者五季幅裂人文厯舛穆呂蘇尹數子取古文于蠹篋而補葺壞爛歐陽馭大倡之晦蝕始明蓋出乎其類者也或人以假長公犹正色謂其失言乃喻于蘓合于蠹九乎方今舒翹侍從之臣辭命絢寓縣爾雅一代之興典彼艸趨露歌何裨風霆哉况立師之名雖壓以孟韓大賢犹惧不能服議者之口進瑣尾于龍門不暴腮折髻者寡矣豈可槩世無知言者哉此僕所以芒負汗流而不敢承者也雖然少讀朱張醇倡之作憊然想見衡湘之秀以不得及淹中稷下之門也幸部使者不忘遠謂之進而進是衰命也岳君湘灵奇秀迫目而不見是自蔽也自蔽陋也衰命好也敢微二過拜命之辱束帛麻屨資則疑于無處之醜古人一雞黍期千里豈必行贖僕于踈翁神交久矣不忍一牛車耶爾使介以幣返士者曰吾師之命我有辭矣若心卻之是委貶于野肆也其何辭復于公所頓首否上反復惟念乃竊取受殮返錦之義而受貶焉其幣金視諸故府惟大賢察其誠款使得從容辭受之中則走也受賜多矣是亦君子愛人以德之意也意遠辭偏惟執事亮之

天下同文前甲集卷第二十一

書

答劉英伯書

天下同文前甲集卷第二十一

須溪劉辰翁會孟

辱贄書卷一自清溪陳君來自是每見清溪輒愧不能報于是踰年又二月矣非獨藥冗客冗願亦欲致君一來或勝報書

云耳而聞論教興國恐論久不復可望清溪歸巫州之圖之
英伯高才妙年又雅致絕俗者好不倦不惟文古字又古蓋得
書三過讀之罷急欲識英伯極談而異邑相望依抱如塞非甚
相愛則不敢言凡文必成章自孟子莊子皆成章之文也故其
辨博反覆必自極其意不極亦不容釋然每章千累百而止而
力常有餘若大篇江河雜以風波起伏竭人情之所欲言窮事
勢之所必至則秦漢與諸名家合辨賦而為一人又非區區耳
辭令應對叙述聞比也如此而又不達則不達矣今人高韓文
亦其自稱道特甚在唐人衆多中最甚達若循其意之所欲言
言適盡意亦不迥如昔文止耳間有數字數句費人諄說及得
其用意槩不得不尔又非如子雲輩數可厭為遁辭為蔽意
終亦不得為奇耳然亦未得如歐蘇歐蘇坦然如肺肝相示其
極無不可誦回思宋初時用意為古文者與同皆負學問自為
家者欲一篇想像不可得近耳如葉水心洪容斎愈榛塞矣文

猶染也若累句換字讀之如斷絃失譜或急不暇春容或緩不
復收拾覺中嘗有咽不自宣者何為聽之哉柳子厚黃魯直
說文最工行文最恣三百篇情性皆得之容易如駕言出遊以
馮我憂知我如此不如無生道之云遠曷云能來雖婦人自道
亦能此而不朽亦以此若昏如惛兮燎兮寔所未喻况首尾聯
複不自厭如左傳所謂艱難其心而有名章徹豈不悲哉願英
伯從是一掃削去若百行中有十行是能自喻處快讀一過亦
足以不負白日矣曩在場屋時欲令考官憤中警發况千載
而下求其文者知其心非明白痛快何以哉此自英伯所易直
過之耳尚有一恨英伯好奇字六經自劉歆傳寫外無一雜
字豈可謂無奇哉舊見魏崔山取篆字施之行書常笑其自苦
無益近年如楊慈湖昼心字文本心昼雲字在邯鄲匍匐中曲
折愈不相似自書學以來鍾王眉目可喜何嘗顛倒橫豎自不
可及若如彼所自為于字体則謬于經傳則乖不知何所取也

三十前見文宋瑞取古文集墓誌行狀當皆雖不能讀心甚異
之後見石經本方悟何物杜撰而晁公武輩不知也必欲字
為異亦難必欲字、篆就亦難故篆文作今本為古書易不
于不于竹簡乎科斗乎秦隸人無識不至此也蓋世有狂道人
喜為左字彼見篆体一二如味如味遂欲壹施之使見者駭以
為異甚可笑也聞北方蒙古寫通鑑覺識之乎即用此古六經
何不可者作文作字皆一種意見鹿好古甚以為賢于不好者
然不若不好也豈有英伯記問洋溢奇字填胸碩能彼不能此
每有來者皆俗子得清溪又得英伯誠所願以老者故復、出
此欲言豈此而止短紙行筆素不喜作小字牽強殊未傾倒便
舟過我作數日客并進所聞唐突見絕未可知惟卷、如此不
宣脩

天下同文前甲集卷第二十一

天下同文前甲集卷第二十二

啟

謝翰林徐承旨啟

睢陽滕斌

青雲薦積深慚國士之知白首文盟敬致門生之謝心難詞寡
骨已恩縻茲惟某官東道主人南州高士清時事業固當仲伊
傳而伯夔龍上古文章直可僕曹劉而奴屈宋四海想聞其風
采群公傾動于儀刑生平無不讀之書行成矩矱胸次皆可傳
之學道貫因微教歷

兩朝雍容一節是以首居東閣蔚昭年德之高清極北扉獨受
絲綸之密泰山黃河其氣量光風霽月其襟期國學諸公環侍
文公之館下當代名士願歸狄相之籠中真能公吾道之權衡
不啻司人才之命脉斌階庭舊物塵土餘生賈誼肆方于文才

諸老或忘其少阮生稍寬于礼法衆人已謂之狂念艱難險阻之倫嘗乃崎嶇歷落之可矣中途刮目曲見盛心如切如磋乃師友起予必躬必親而父兄教我既見未既見已不忍其傍門戶之栖，特書不一書直欲使之逐臺省之袞，雖內翰之愛方琳未收一日之成然相國之舉淮陰終致累月之達漫尋仕版方倚都國逆乘宸鷲之章遽得重馬之價秉銓者常牽于常調當軸者確信于公言遂玷儒林獲登吏選倍十顏面之甲非所宜蒙再三肺腑之盟敢忘所自斌敢不勉修士業益勵身修下不負所學上不負所知或可扶斯文之幟窮則現其交達則現其主期無辱先生之門

謝有山黃提舉啟

涇溪劉

辰翁

會孟

公卿久不下士可謂輕先才能不逮中人碩堪聞上獨安取此亦使知之公求士甚于士求公上援下不以下援上何汗而為之先耳何嫌而至于絕交彼將不屑以為名我乃無言而不報但存交際亦是風流如某者枯木朽株死灰溲溺文好文景好老已不如人公不公孔不立又何有我同年四海足下家君相結淺而相知深其身死而其言立父為九州伯兒為五湖長光遠有它上有百尺絲下有千載苓蚤緣無路建臺三四月荐出第一人豈曰秦無特從隗始棲輪生角固知推輓之不前繫帶還珠愈覺綢繆之無益茲蓋伏遇某官英才妙選雅望高情不倒屣于雁門守而倒屣于王潛夫激揚甚遠未下車則荀茲明既下車則孔文舉諱貫已多肆先鷲表之翔又重宦書之墮然而近規所主稱匪其人雖大夫薦不聞與之大夫自無過慮國士遇則當報以國士未知所為

天下同文前甲集卷第二十二

牒

移嶺北湖南道肅政廉訪司乞致仕牒

疎齋盧 摯 處道

當職伏自去歲到任未幾感觸風寒宿疾發動病態叢集
 寔慮難勝職任具呈江南諸道行御史臺及移文貴司備
 申憲臺以求醫歸田為請者屢矣亦已疊奉臺檄不蒙准
 申自惟選煥闡葺重以疾病支離猥荷瞻存揣已揆分何
 以得此慚悚之餘徒有策勵疲鴛屐勉朝夕願雖涓流塵
 望無益崇深而庶幾圖報万分之一者似亦不可栖遲冥
 默寂然已也自甯以來力疾治事又經八九個月終是大
 病之後精力難于平復飲啖無味不食自飽皮膚跋慢不
 能充寔兀坐少頃已復昏睡今方首夏尚未炎熱膝理不
 密動輒自汗南土氣候不常時或雨風稍覺涼冷泉皆絛

絛已獨衣袂眾皆衣袂已獨挾纊但遇陰晦腿膝注腫步
 履蹒跚目視昏近兩耳重聽心思憤々事多遺忘當職年
 雖未及六十其衰悴癯老之狀雖年踰七十者未必至此
 欲望憲臺許准致仕養疴山藪別選賢能以代其處公私
 之間俱為便益雖古者大夫七十致政卻緣禮經所載四
 十始仕摯在稚幼特蒙

世祖皇帝

天地大造教育作成年及弱冠與賤姓名已登仕版

今上皇帝

嗣登宝位罔任舊人以摯遭際

先朝服勤

惟幄多歷年所擢置侍從居無幾何選任方岳敷歷中外
 垂四十年儒者之榮至是極矣由是而言較之古者四十
 始仕七十致仕者浸政之年已過禮經所云者已數年矣

又近代熙豐間范蜀公鎮年六十四遂致仕而歸援以為
例彼以論事不合而歸摯以謝病得請而歸酌古準今何
不可者雖摯于范鎮無能後欽惟

主上聖神武文遠追勳華尚何區、宋氏熙豐之君所敢擬倫
而豈可使宋南獨有六十四致仕之鎮而吾

堂、

聖元獨無五十餘致仕之摯也又緣御史肅政俱為風憲之司
肅清風俗

條格具在即允所請其為風俗之助誠于大体有所關係
當職陳乞之言即非好奇矯俗盖古有以退為進飾讓釣
名者當職涉閱載籍即有此類每撫卷嗤咲以為可恥今
茲移文求鑒致仕既無規避又有故常欲望憲臺鑒其悃
款雖未年及因病有請驟車之典得從摯始宴為榮幸

天下同文前甲集卷第二十三

天下同文前甲集卷第二十四

狀

薦前河北河南肅政廉訪副使任乞僧狀

疎齋盧摯處道

前河南府路總管盧摯謹呈摯起身素士拙于自謀滿代未寄
跡民伍措紳繼披緇黃芻蕘還往無擇側聽輿議多謂前河北
河南道肅政廉訪副使任乞僧職御使日廉悍果銳臨事謇諤
不撓勢權及貳憲一道監臨相衛郡縣畏服部內清整至于發
廩振民之類誠得古人奉使大体教稱翕然昭徹中外由来已
久向以婚媾之間因循註誤獲譴秋官屏跡田里屢閱歲朔有
如本官材局器幹言論風采足為能臣中遭沉廢誠為可惜輿
議如此摯復援以平素涉閱載籍之所記者據發懷抱叙列簡

續以干聽覽蓋聞楸枏合抱遶梁柱之用雖蠹寸^敗尺稊櫟不足
以並其材大圭拱璧有瓌璋之貞雖瑕類芥粒砥礪曷能廁其
室斯固梓匠之異選玉人所必致也夫馬或奔蹏而致千里士
或有負俗之累而立功名斯言豈徒也哉昔吳起貪淫積忍殺
妻以求將魯君疑起不用魏武侯得李克之言以起為將守西
河而秦不敢東兵漢高帝以陳平為都尉典護軍有謂平居家
時盜其嫂典護多受諸將金高帝疑之魏無知以盜嫂受金不
足疑奇計誠足利國家為解高帝益厚貴平以為護軍中尉盡
護諸軍資其策昼間弱霸楚張敖為京兆尹禁姦顯善明于賞
罰任職為久坐党累當免黜吏知而犯^敗收殺之會使者覆
獄刻^敗賊殺不辜宣帝薄其罪免為庶人居無幾思^敗功效徵
拜冀州刺史卒獲其用王公仲所謂非私其人貪其材器有益
于公家也太抵自昔有國家者以才難之故揜垢藏疾求所長
捨所短以恢用人之度者多有此類不復歷舉今任使雖無將

越用兵之能之相平謀臣之計其摧暴治劇方之^敗尹亦豈多
讓而婚媾之誤惡豈比于殺妻醜未至于盜嫂較以賊殺不辜
罪孰輕重也伏望

公朝畧寸尺之蠹而所用者材揜芥粒之^敗而所得者宝貨奔
蹏于千里之足責功名于負^俗之累深惟魏侯用李克之言將猜
忍貪淫之起以致卻秦之功漢高善無知之對厚盜嫂受金之
平卒收閭楚之利宣帝薄京兆之罪貪材器有益于公家者起
任使而屬委之豈惟本官獲湔洗拔擢于隆寬盛明之世砥礪
自新趨赴事功以遂報效其于補助

公朝選材補過之義似亦不無万分之一也山林薄朽方以教
讀鄉校為業借踰^章荐竊伏兢漸雖然經據古道鄉校之議執政
者有取焉摯放閑頗久朴莖滋甚徒沉古陳不知忌諱輕瀆
峻清伏惟裁擇

臺荐御史蕭泰登狀

江南諸道行御史臺監察御史嘗謂風憲不難用人而難于稱職大槩糾姦治邪在不失于大体潔身修行而後可以正人竊見廣西道廉訪司僉事蕭奉訓詩礼名家簪纓後裔年妙而識老學飽而材優始由河南儒學提舉除充廣東按察簽司風采振揚姦畏避宴詔昭著廉敬播傳遭值例革閑居京師奉命安南不辱

因命繼除連州知州復任江西儒學提舉士譽翕然儒風大整就任改除今職未及半年糾停象州路達魯花赤等官一十二員斷革官吏四百餘員平反寃滯數起所至聞風震懾近者臺委追問海南宣慰使都元帥薛徹于不法不公事亦非小本官首去其爪牙而折其權勢親閱案牘推究事情致使巨姦無所逃責于是要荒之外烟瘴之鄉屈者獲伸寃者得釋官府知奉法之嚴風憲蕩得人之譽緣本官廉足以服衆明足以燭姦剛果敢為智勇無避善剴繁而治劇不吐剛而茹柔允為良材寔稱乃職若使久淹邊遠不能展施為如蒙擢置近裡道分唯復兩臺鑒察內任用誠為相應然此合行具呈天下同文前甲集卷第二十四

商湯字上有一至字

天下同文前甲集卷第二十五

議

社稷壇議至元二十五年八月

朝請大夫浙東海右道肅政廉訪分司監治官王

社稷起于上古祀共工氏之子句龍為社厲山氏之子柱為稷商湯因旱遷柱以周棄代之成周之制天子立五社諸侯三社皆以句龍配社周棄配稷社壇在東稷壇在西天子用太牢諸侯用少牢皆黝色幣用黑日用甲王服絺冕樂用大簇歌應鐘

舞咸池用三獻後漢建武立大社稷二月八日及臘日一歲三
祠皆用太牢郡縣置社稷太守令長侍祠魏立二社一稷梁以
二十五家為社春秋祠水旱禱祈祠隋開皇初用戊日至唐社
以勾龍配稷以后土配土宋因唐舊制社壇廣五尺高四尺以
五色土為之稷壇在西如社之制社以石為主形如鍾長五尺
方二尺刻其上象天方其下象地埋其半于地其垣飾以方色
屋用三門三十戟其中植槐元符二年郡縣社稷壇社方二丈
五尺高三尺四出陞主長二尺五寸方一尺餘如舊制一壇二
十五步紹興式社以后土勾龍氏配稷以后稷氏配先儒之說
謂社稷皆土祇有生育之功勾龍周棄能平水土故周為后土
及田正之神又曰社為土地之神稷為五穀之神故報而祭之
祭法當依漢唐制郡縣各用羊一豕一先瘞血首餘以骨俸荐
黑幣二樽二籩豆各八簋簠各一俎八每歲仲春仲秋戊日黎明
郡縣官各三獻以公服行事執事者无所攷舊以吏佐討論如

此打畫罔墳行礼節次抄連在前請更為參究合宜行下郡縣
依上施行
天下同文前甲集卷第二十五

天下同文前甲集卷第二十六

說

角觝說

至元十七年作寄崔左丞

廣平王 德淵

余幼從先大夫寓居磁州磁有崔府君祠歲以十月十日社四
方樂藝畢來獻其能而以角觝戲之戲殿角觝中復擇其勇且
黠者殿誦曰首對當崑衆人指在東者一人相語曰此人前年
獲勝于泰安廟下去年獲勝于曲陽廟下今日又將勝矣乎有

老者曰不然夫在東者曰恃其不資于人孤立無倚在西者自知不敵偏賂于同場百執事衆方嫉在東者之能甘在西者之賂聚為議論矣今日勝負未可涯也已而臂攘手交東者進則衆比而止之退則衆喜而待之西者進則衆和而應之退則衆操而救之離而復合者五六竟中分購財而罷噫在東者雖稱勇黠其能勝在西者衆人之議論衆人之救應乎傳曰常勝之家難與料敵諺曰狼狽不及犬衆予嘗傍觀握汗甚為孤立者凜也暇日偶然記之作角觥說

魯盜說

至元二十二年作盧右丞初執政

廣平王 德淵

魯有盜方其姓者工穴垣脫赦更名迂居于曹傲賈肆而業怡散偃体口不二價一日懸楮幣二千于門曰何人所遺吾拾之于路待主求訪而還之耳如是月餘而主不至乃易為畸零散

之丐者曹人初不識而皆賢之魯人聞而議之曰殆將改過迂善已乎君子曰不然改過迂善者平行而達不求人知今乃驟為要譽不近人情之事以自標異于前是必作手法于後久之官庫失物蹤及其門尉執之城中徃保者近百人以為必無是事既而羅掘得贓衆遂駭散王子曰此泝泝曠者小盜欺一城耳犹有欺天下之大盜焉宇文融拜相獻括田富國之說以結主知李訓拜相首荐裴度令狐楚鄭覃以收士大夫之望王莽拜相建言廢宗室給致仕官祿三分之一施恩鰥寡以收人心當時天下望致太平終之姦計得施荼毒四海處女脫兔莫救已然如魯盜者復何怪哉

天下同文前甲集卷第二十六

天下同文前甲集卷第二十七

李綸字說

牧菴姚燧端父

李明之以其子讓來見曰願易名而字之余思古之人生子三月而父名之避其在常語而難為諱者所以為它日為父計也故曲禮曰不以國不以日月不以山川不以隱疾而春秋傳亦曰不以官不以畜牲不以器幣讓也已久矣雖其名無國官日月山川隱疾畜牲器幣之犯而犯舉世人之常語使其子宜如何而諱于今哉亦現夫治絲乎其緒之弱不大于秋毫之末力引銖錙則紛然而絕苟治而絕之則可以轉百鈞故曰王言如絲其出如綸言綸者比其類而合之也或曰青絲綬亦為綸為訓雖異其組織為服亦垂首千百而比其類為之也反而求之蓋人心之善惻隱羞惡辭讓是非四者之端其始甚微其絲之緒乎學者為能體驗充廓之使可以放四海塞兩間其比其類

之綸乎邵子曰人于心上起經綸士而知此始可語自治人之道矣名以綸字曰治夫

天下同文前甲集卷第二十七

天下同文前甲集卷第二十八

贊

先聖像贊

趙集賢孟頫所親 大德二年二月甲申後學
姚燧為李侯肅政新齋元讓盥手再拜以贊

憂世之志固見于不遑寧居樂天之心當求之恭安而舒從大夫之後而舍車弟子三千端而獨其相失鄭東門之初乎雞鳴為善猶舜之徒耳順之年對越豈是困窮朝以脯誦其詩讀其書于是新齋者其願學孔子之徒歟

先聖像贊四則

須溪劉辰翁會孟

六經未足孰為夫子天尊地卑乾坤定矣
如岳之隆如日之威如川之不測周公未衰曷不現此司寇來
衣國不用儒以儒目之

岐山鳳逝西極麟來在陳去齊失鯉慟回匡人陽席武林桓
轍環臨削木壞山顏生懷殷奠沒悼秦灰論其哀暮不見榮哀
孰知萬世國祀家陪孔林艸木鬱鬱佳哉

老子像贊

六經万世如日在天四時行焉百物生焉孰云軻死不得其傳
孔德之容唯道之從坦々施々温々恭々万世之下復有一夫
子而後識其犹龍

病維摩贊

衆生皆病安得不病更欲何言視我塵柄

莊子像贊

無他變化有語皆囁何日卷間作兩蝴蝶

古文心山贊

此宋二忠如國亡何開卷熟視龍泉太阿塵蛻六合浴于天河
下視万鬼腐為蟻窠千秋遺像涕泗滂沱空餘後死作尹公他
天下同文前甲集卷第二十八

天下同文前甲集卷第二十九

贊

西溪贊

西溪公名博文字子冕宏裕有蘊中朝號稱厚
德其言論夙旨學殖文采士論歸焉嘗五居監
司七至侍從揚歷餘世年頃由礼部尚書大名

總管為御史中丞行臺江南云

疎齋盧 挈 處道

味道之腴儼然以居頤雖寓形為松磐石之間而槁項黃馘者能如是乎求之古人將誰與俱其聞柳下惠之風而興者抑車

子康刘文饒之徒歟
朱誠甫贊

疎齋盧 挈 處道

氣剛以沉識遠而深奚藏諸內者矯々而發乎外者惜々昔冠惠文繩直于南移察 天臺霜清柏森譎議抗章折巨姦而排孔壬方鳳鳴兮朝陽或振鬣伏馬之瘡贊幕江漢協謀官箴日聞旬宣如鼓瑟琴幅巾蕭然朝市山林唯玉雪以自將非埃壒之可侵故親君之德容者又當洞照其灵襟也

滕王霄贊

似不似在阿堵同不同在裏許其落筆如箕其出神也如杆其得于酒狂也為劍俠而得于獨醒也為處女固不得與二陸三五豈不可與四夔五嗟乎使吾得而容之亦何至嘲子雲而責子羽也

天下同文前甲集卷第二十九


天下同文前甲集卷第三十

頌



卷30録内容

天下同文前甲集卷第三十一
歲



天
下
同
文
前
甲
集
卷
第
三
十
一
歲

天
下
同
文
前
甲
集
卷
第
三
十
一
歲



卷引缺内容

銘

新儀銘

牧菴姚燧 端父

舊儀昆侖六合包外經緯縱橫天常斜帶三辰內旋黃赤道交
 其中四游俯仰鈞蕭凡今改為昏析而異取其疏明無窒于眎
 四游兩軸二極是當南軸下貫赤道天常天常不搖則軋安靜
 上鏤百刻及時初正赤道上載周列經星三百六十五度奇贏
 紫微安知比極攸戴穹然突出狀同倚蓋別置立運下履地平
 錯勒干隅十二子名五環挈周文有八尺紫微等之三在一六
 環之安三負衡旋衡綴躡距隨揆流迂欲知出地突茲立運
 去極何即游是問赤重衡四弦末張上弦北軸移影相望
 筭日用一推星兼二定距入宿兩候齊眎冕其高漠其遙
 蕩其大赫其昭孰曰無形而銀願考明乎制器運掌有道

法簡而中用密不窮歷較古陳未與侔工猗歎
皇元發帝之蘊昇厥羲和万世其訓

釜儀銘

不可体形莫天也無競維人仰釜載也六尺為深廣自倍也兼
深廣倍挈釜允也環鑿為沼準以溉也辨方正位日子卦也衡
宿度中平斜再也糾起南極平釜鑿也小大必周入地釜也始
周寢斷寢極外也極入地深四十大也北九十一赤道斷也列
刻五十六時配也衡竿加卦坤內也以負縮竿本午對也首
旋机板窾納芥也上下懸直與鐵會也視日漏光何度在也暘
谷朝賓夕餞昧也寒暑發斂驗進退也薄蝕起自鑿生殺也以
避赫義奪目害也南北之偏亦可槩也極淺十七林邑界也黃
道夏高人所戴也夏永冬短犹小差也深五十奇鉄勒塞也黃
道寢平冬尽晦也夏則不暮永短最也安渾宜夜听窮蓋也六
天之書言殊話也一儀之揆孰善悖也以指為告無煩喙也閻
資以明疑者沛也智者是之膠者也古今巧歷不億輩也非
讓不為思不逮也將闕天朕造物愛也其有俟然昭
聖代也泰山礪兮河如帶也黃金不磨悠々賴也鬼神禁訶勿
銘壞也

座右銘

魯山臧 夢鮮

硬著脊梁

這脊梁鉄鑄成廣平骨汉黯身曾強項批領鱗肯折腰揖貴人
臺中評謂我傾我自我御白卿

净洗眼睛

這眼睛照胆鏡見誰家窮百姓取喚誰姦貪佞者不差定、定
江月明秋水瑩本無垢洗更净

牢踏脚跟

這脚跟如山立、得牢踏得寔直道中拔不出伴門裡拽不入

持一正禦万術不退轉堅固力

緊縛肚皮

這肚皮忍得飢眾肥甘我糠糜將軍腹寬十圍貪取敗脂燃脐平生事百瓮齏咬菜根事可為

古愚銘

涇溪刘辰翁

會孟

高安姚雲謂庐陵刘辰翁曰雲之先人之藏于修也曰古愚請書之曰諾又請曰銘之銘曰

世道交喪謂古人愚者陽事拙金谷名俱離黍何求懷沙惑志白傷為傳以至憔悴結纓而進執簡為三程嬰誰報黑子誰慙哀哉古人寧不見與其慙其蠢孰通孰魯九京可作我則誰歸遠矣姚公于訓有遺凡今之人曰詐而已色莊吐訥形垢文泚咨爾後嗣無愧前人欲知生直尤貴情真如愚不愚不愚何罪毋以其如而示其外

天下同文前甲集卷第三十二

天下同文前甲集卷第三十三

題跋

跋徽宗御書

容齋徐 琰 子方

徽宗書画皆過于人惟其克君克長之道有愧于其祖宗以至失國故收藏之者頗不以為貴重此帖端莊妍麗首尾如一似非末年盤游無度之日之所作刘彦明得于錢塘携至長沙出示予曰帝王翰墨當皆得見甚難况後世散亡之餘乎苟真不偽吾將蓄之使後人現焉見其善于此則知其不善于彼獨不可為有国有家者之鑒我如齊人刺魯莊公云頎而長兮美目揚兮巧趨踰兮射則臧兮終篇美之而不言其惡千載而下

讀之則莊公之所不足者隱然見于言外吾意亦犹是也請跋
之予復之曰跋已竟矣奚煩它議至元戊子九月下弦日

跋張夢卿所藏紫陽楊先生墨跡

收菴姚燧端父

此先婦翁紫陽舜翰也嘗聞自幼孩皆文已竒由歌白水滿長
于紫陽閣庭清風細後遂號紫陽初名煥後由上金季主河朔
中興頌季主壯之置紅篋中黃龍戰北紅篋為我
元所獲恐蹤跡物色姓名獲戾有避更為真及後受我

太宗簡文制誤真為英遂不敢私更始就名英其平生于書差
喜米南宮故筆法時以之其卒以乙卯時燧已聞公遺命託
二事于我先世父一遺文二以先妻見配時燧未婚也其歲上
距今二十四年當至元戊子張總管夢卿持來求題夢卿嗜古
博雅該洽之士慮其未得平生之槩故敘襟書此其年二月子
婿姚燧現于穰城寓舍

制蓋漕長河南者也

天下同文前甲集卷第三十三

天下同文前甲集卷第三十四

祝文



卷34 缺内容

天下同文前甲集卷第三十五
祭文



卷35缺内容

天下同文前甲集卷第三十六

祭文

祭劉湏溪文

中齋鄧光薦中父

嗚呼天地間奇詭超邁之氣于是乎絕四十五年如手如足之情于是乎訣疇昔燈前高歌執別曾未三宿云何奄忽欲訪何之山陰無雪欲見何期屋梁未月斜日寒冰鄰笛為裂思君平生肝胆火熱相知靡三^相於何切磋彼俗人為知毫末君幾哭于子亂離予忍慟君子羸劣孰予生種予疑倘幽冥其相待曾幾何其間澗碩原隍之相求已不勝其淒咽何肯宇宙復見此傑

祭蕭方厓文

梅邊王應梅鴻翁

嗚呼序陵俯仰百年丞相文山精忠貫日月而志無成大博湏

溪文章昭河漢而皆不用今御史方厓勁氣搖山岳而不得年
以死吾未暇哭吾私而為蒼生慟未暇為蒼生慟而為吾廬陵
長嘆息嗚乎廬陵

祭御史蕭方厓文

現樂黃 瑞節 祥翁

嗚呼天不可信善不可為小人之是君子之非大江以南二三
人物公于間其尤為超出有時有命有志有才南馬援柱北李
陵臺淺之量公功名富貴一至之性于人有濟凡今之官苟且
相師以為得休以為時宜公每行部必搏猛虎搥毒反噬亦莫
彼顧此豈有它不過肯廉莫邪鉛刀無鈍無銛一二就斃蒙福
何限局于分守掛一漏萬庶幾公論擢在臺僚憂者胆掉喜者
意消名寔所加上下通信立功立言矢決川迅斯肯斯人而可
死邪斯人斯年而可死邪軋坤生氣在結數輩世皆欲殺天不
少悔古今豪傑中路無成黃間黑業殆未欲平運苟如此理不

勝欲嗚呼嗣祖焉知非福回首平生言危行危剛固不折隘亦
有之奴婢小人妄論文舉事至今日此固其所存者奄去者
堂百年有頃孰短孰長地下此心死而死矣為人為神幽明
一理吾哭吾私能幾何昔作七載緣結一語知春風廬阜夜雨
滕閣隆田孰別金陵後約料理余迂鞭辟余前余之不遇其人
其天余未能來公未有暇剪帛江頭乃有今者病之萌芽曷不
歸來家書潤絕亦已為哉往堂諫公疎用剗劑豈其壞會竟坐
此弊見謂錢塘買棺自隨此時此情此地此詩豈必尸解豈必
滅度乘雲而來抱月而去捐世未老忠妾無終習聞其語忽繫
其逢天地恨事為陰為兩其于人也為病為怒余于公死意敢
神傷如寤如寐如存如亡昔者有言丈夫千載四海斯文執筆
誰待

天下同文前甲集卷第三十七

辭

哭須溪墓

靜得王 夢應 聖與

紹定壬辰後六十有六年丁酉閏月庚申四方學者會葬須溪
 先生北郭外其同門生長沙王夢應以是日祇後故鄉先生望越
 明年正月十有五曰壬寅昧爽始克奉卮酒哭先生嗚呼房陵
 自六一公以正學繼孟韓起千載小歐公忠孝義理鳴穆陵紹
 陵間天下學者再變先生奮兩公後卓然奉漢臣筆凌厲千萬
 年蓋炎士訖錄及于今南北士不得先生一言不名士殆盛眉
 山矣惟盛時不以所學大用不奮筆大典冊成一經以彰休明為
 宇宙闕作使天下士缺然夢應又念早從小歐公房山公師門
 託交四十載晚更流落蒙賴宴厚追惟吾感永愧負土且斯文

千載之託一日永已悲悼何限謹吟短些尚鑒之

宇宙尤有千載兮安得夫子之復生昔余俟而不敢惑兮卓哉
 房山公所評天能為命世之盛兮不能羸之以百年斯文克當
 天運兮信有屬而無傳偉夫子之立言兮神氣超乎古今豪傑
 雄力不可控兮淵杳不得窺而深千竒万態春行天兮又為秋
 冬之刻厲豈惟嬉笑怒罵之間兮平易亦千人之俱廢蓋蒙莊
 太史之恢々兮諸子百氏之不可窮房山休々嘆復起兮眉山
 再變而亦確應龍矯乎青空兮神虵黑蜮之倚伍寥獨立而還
 顧兮橫四海其誰語帝與王誥豈不浩積兮清庙生民之何時
 仰嘆俯吊復引下兮來哲又不可期蘭閣泪其同塵兮荒々四
 裔板照之語有大而莫能載兮吾亦委天蚩々嗟夫子之時命
 兮生死乎盛明余侘傺其誰送兮愴被髮乎大荒非今世之為
 慟兮有揜卷而遠追望江山之坡陀兮雜風雨而鳴悲埋文光而
 不得兮終古尤于秋日誰將告夫春秋兮有尊王發微之初筆

出生平毫末兮震動百世之上下嗚呼靖康日遠兮人知南道
之叔夜亂曰我昔仰高不可階兮風霆一世此山埋兮神光在
天秋洒々兮墓而藏者塵尾佳兮
天下同文前甲集卷第三十七

天下同文前甲集卷第三十八

誌碣

聖元故光祿大夫中書左丞相神道碑銘

柳城姚燧

初公以中書右丞下江陵驛聞

大帝為大燕三日曉近臣曰伯顏東兵阿力海涯孤軍戍鄂
朕嘗深憂或荆蜀連兵順流而東人心未老必翻城為應根本
斯蹶孰謂小北庭人能覆全荆江浙聞是肝胆落矣而吾

東兵可無後虞

朕喜以此

御筆為北庭書昔魯合西地所生阿力海涯為大將有功信
實聰明而安詳其加卿為阿帛耳愛帛亦嫡近越各赤給
日別平章求今億萬維臣之中降是

宸翰昭乎雲漢之章藹如

天語之溫崇功裸德匪兮一皆可華及子孫百世者總公一家
視古舟書鉄券出臣子手者何足道也即江陵民封之千
家始公微時侍

燕惟席地坐後特置榻班諸侯王阿失拉下賜之金疊曰
俟至而省必合樂鼓棊曲飲是它雜以青白縹色龍鳳
御服御帽金玉珠帶白貂裘西錦珠衣海東白鶻凡所以侈服
貴近田娛其心者靡不及公嗚呼盛矣公北庭人妣夫人
獨堅呼突盧蒼脗生剖而出公巧阿撒合徹弗善也將棄

之夫人未忍益謹鞠視幼聰穎而辨長躬農耕喟然曰大
丈夫當樹勲國家何至與細民勤本畎畝釋耒去求讀北
庭書一月而尽其詩學甚為勞氏習拉帶達拉寒所異嘆
曰而家門戶其由子大及泛事大將卜隣吉帶俾其子故
中書右丞相呼魯僕化泛受北庭書又荐其忠謹以是得
宿衛

大帝潛藩己未泛濟江

帝射席未殪公捨馮而徒挺矛春殺之攻鄂先衆而登禽一人
還汎矢貫喉出項

帝勇之賜錫為兩半百先是聞吐蕃有貯甘露宝函石室藏山
穴者凡再使求之皆為大奇獸所惧莫致最後遣公至其
所無見竟與俱歸勸

進之初諸侯王議未一惟一王鬪察耳嘗有書

上忘其誰在也顧左右問公曰臣所有之書出而決兩事皆甚

合

旨中統三年

制以為中書省郎中褒曰久侍禁庭已著勤跡至元改元加朝
靖大夫叅議中書省事發言惟以當可事宜為心不憚伯
相而阿其所志人有小疵必白

帝前衆畏其口明年進加議大夫僉南京河南大名順德汝磁
彰德懷孟等路行中書省事始罷世而易置其地又明
年轉廉訪使帝符領鷹坊凡鳥獸皮角筋羽悉征輸官尋
領諸路鷹師獵戶再兼中都路瀾遺又明年進中議大夫
僉制國用使司事又明年故中書左丞劉武敏公拯為策
襄陽吾故物由棄勿戍使宋得窈築為強藩復丹浮漢入
江則宋可平

帝大然之徵天下兵領以元帥府規武襄陽城白河別開行中
書省以我先少師文献公僉省公為同僉凡襄鄧唐申裕

在

太宗世所殘漢上諸州之民避荒汴洛間與下戶賦寡者悉徙而南屯田給餉尋罷帥府又明年

詔故平章合丹開府儀同三司平章軍國重事贈太尉史忠武公天澤來莅師宋遣人餽鹽茗襄陽乃築長圍起萬山包百文楚山鹿門以絕之又城峴首開省其上兵興事劇星火公專入

奏能日馳八百里敗宋殿帥合平章范文虎于灌灘又明年分中書為尚書拜中奉大夫叅知河南等路行尚書省事又明年兼漢軍都元帥分將新軍四千六十及廢尚書復以為河南等路行中書省事宋遣都統張貴張順將舟師從上游送袍甲犒師自萬山接戰二十里斬順殺溺遇所當貴獨以餘衆入浚水暴漲慮貴乘出下令軍中舟置燈篝火積薪樵費果結艦為陳宵遁尽燃燈薪戰四十餘

里斬之權門閔明年遂靖以西域礮攻樊拔而屠之無噍類以襄陽甚慘移攻具臨之且曉守帥呂文煥君以孤軍禦我數年今鳥飛路絕

上宴嘉能忠而主信降必尊官重賜以勸方未終不仇汝置死所也文煥感而出降十年二月也

詔公偕以入

觀真拜叅知政事明年投資德大夫中書右丞同忠武公行荆湖等路樞密院公策能籍民為兵十萬合舊或丞相安童伯顏一人將之南伐宋社必墟

制皆從之故太傅伯顏與忠武皆皆以左丞相贈開府儀同三司太保并國武宣公阿木以平章與公及故平章文煥以叅政行省將大軍發襄陽將至郢忠武侯疾還敵宿兵數萬築新郢夾江為城橫鉄鉅鑊戰艦江中巢礮擴弩遺我舟師郢北黃灣岸西去江三里所港通藤湖達漢敵壁其上

攻拔之拖舟入港丞相惟與公數十騎現新郢趙范兩都
統數伏兵發兼林諸相倉卒有未甲者人奮先殄其一
軍兩將之首皆致公割趙腦膚挽酒飲之行克沙洋新城
以臨復守臣翟貴逆貴大軍去而復叛及漢陽故平章夏
貴以制置舟陳漢口水軍千戶馬成為導由己未濟江沙
武口塗入江拔陽邏青山白湖諸壁走貴軍鄂守呂張晏
然王該王勝以城下遂殉州民衣冠鬪會仍其服行鄉郭
帖然無有奪萊秉者民爭德吾

元仁政義敬恨服化晚檄下漢陽壽昌信陽德安大兵既東分
四萬人戍鄂咨公留後尋進官榮祿大夫自陽邏置驛以
便商至蔡方請移師江陵而荆閩安撫高世傑將艦艘千
六百艘卒二萬規襲鄂公分兵禦之大敗之荆江口降諸
洞庭桃花灘岳下岳承

制以守臣孟之紹為安撫使即西師至公安誓曰自今功者健

况陞長百夫百夫長千夫千夫長萬夫萬夫長取

進止因南風火沙市戰城上又戰城中坑之江陵精銳于是焉
畫制使朱禛孫辭疾高節度達出降下令安集如鄂岳傳
檄歸泐澧常德辰沅靖荆門隨郢復皆下之官其守臣除
宋苛法衣會惇婪窮黎

詔故平章廉希憲以右丞行省江陵以世傑窮而來歸棄江陵
市朱禛孫微至京師死枕沒入其妻子還公于鄂移丘長
沙拔湘陰斷澆柱江中自喬口及城十五所又拔城西柵
射書招其守帥李希速下以活州民不然攻拔屠矣不答
乃令諸將昼地方圍決隍水以樹梯衝礮鉄塙石心臺百
日公中流矢創甚益急責戰申命諸將凡所由以頓兵者
卒伍前驅諸將安行其後也自今萬夫千夫百夫之長皆
居前列有退衄者定以軍興法從事三日而拔謀諸將曰
國家為制城拔必屠是州生齒夥繁口數百萬非

大帝諭伯顏以曹彬不殺
旨也其屈法生之發倉以賑餓人傳檄下柳全道桂陽永衡武

西寶慶江西袁連幼主嚮服公入

覲賀始廷拜平章政事還移兵靖江破嚴闕敗馮都統臨
川陳張兩總管小溶江諭經略馮暨不下凡攻四十餘日
而拔公以靖江遠中土民性驚駭易叛難服非長沙匹不
重典刑之廣西他州不可言以綏徠其既之市斬暨檄下
慶遠柳鬱林橫邕廉象潯藤梧貴昭融賓宜賀化高容欽
雷廣東肇慶德慶封諸州特磨農士貴南丹牧莫大秀皆
靖內屬乃開全之湘水三十六所以通漕舟承

制以万户史恪行宣慰司靖江還潭宋餘孽益衛兩王改元海

中哨人以爵規復而舊全永諸州與潭屬縣之民文才喻
周隆張虎羅飛之倫大或集眾数万小亦数千為群與
江之北黃新相煽以動皆削平之偽將張世傑傳與襲肇

慶雷

詔公討之且略地海外無為賊巢過柳州嶺時暑軍士病渴所
乘馬蹄地出泉人資沃飲至今名馬蹄泉而偽安撫趙與
珞已成海南白沙港公航海五百里不崇朝而至擊與珞
并獲偽使冉安國黃之紀皆磔之諭降瓊南寧万安吉陽
聞偽王陷南恩公還襲走之降方經畧會衛王死佳山乃
還復諭降八蕃以其酋龍文入
覲置宣慰司從

鎮南王伐交趾其君蹈海去得文致昭因兩王以歸後二
年入

覲廷拜光祿大夫湖廣等處行中書省左丞相再月而疾
勅尚鑿四人診視忽思求

見登馮而劇歸即與夫人訣當廿三年丙戌五月廿五日
薨上都享年六十葬都城西高梁河公元配帖力

上勅陳毫頰元帥郝謙女為夫人前卒
勅復以其妹為夫人自陳

三召傳至京師

順聖皇后為加綢服白金為兩二千五百男六人帑力生故資
善大夫湖廣行中書左丞忽失海涯姊郝生正奉大夫湖
廣行中書省參知政事虎符監兩淮軍貫只各妹郝生輔
國上將軍湖南道宣慰使虎符監潭州軍賜玉帶一品服
和尚如夫人者蕭生拔突魯海涯阿昔思海涯賧生突魯
孫宴海涯女子五人一適故嘉議大夫同知廣西道宣慰
司事虎符惺理斯班一適承務郎大司農少卿僧家奴一
適中書省斷事官六斤一適昭勇大將軍監平陽太原軍
虎符伯淵一適傳昭丙牙男孫三人小雲石海涯虎突海
涯合滴力海涯女孫三人一適郝一適平章濶里吉斯子
索羅一適監平陽太原軍子埜斜後公薨十四年今正奉

輔國以神道未碑出公凡受

制書典

御筆及其平生行宴請某曰徵是為銘嗚呼兄弟爭典昭揚先

德于其子職責已塞矣嘗讀望諸君書善作者不必善成
善始者不必善終未嘗不興慨嘆于武敏開用兵端視南
國為奇貨思國丹青垂譽竹帛于今與後者如取諸懷及
及襄陽下方成淮西功已不出乎已大師南伐復分兵淮
東渡江捷聞一失聲而死豈先福始禍者誠如道家所忌
邪而公鼓其孤軍苗戍所餘不能倍万名城通都身至力
取利尽海表國地藉民半宋疆理其皆將相雖矚後塵猶
不可望公少見最所下州荆之南十四淮西四湖南九江
之西二廣西廿有一廣東海南各四凡立十八字餘峒夷
山撩荷纒被毳大主小酋慕錯幅列連數千里受廢聽命
猶不與存其依日月之末光張雷霆之餘威以會其成功

者亦一世之雄哉今列其由幕省戎麾與所受降登宰相者丞相二蒙古帶阿拉韓平章十二與魯亦席突帖穆耳阿力史恪呂文煥帖穆耳僕化李庭李順張弘範劉國傑程鵬飛史弼右丞四唆突完顏訥懷闡出樂洛也訥左丞四闡出海唐兀帶劉深趙修己叅政十三賈文偲鄭也可何瑋張鼎樊揖朱国宝張榮寔囊家帶烏馬耳孛羅合荅耳高達馬應龍雲從龍都元帥宣慰使總管万夫千夫之長又什伯是現其出門衆多又足徵公善惟勞人也初北土田租畝取三戶調歲惟四兩及定湖廣税法惟三升尽除宋他名徵後徵海南度不足于用始權宜抽戶調三之一佐單時以為虐今較江浙諸省槩增倍蓰獨西南頗以輕平其境館傳修潔甲他省生祠所在岳潭柳雷公安興安皆一而嚴關與全独二銘曰孰曰江漢南北之限天裂幅員可恃為捍天混

皇輿其險則那古以求之同軌不多秦漢斯降吳平于晉陳蕙于隋矧趙遺胤曜雪生東有炎朱光燭火之微宜素臧藏於皇

大帝神武不世行乎

睿思效若龜筮由夫

潛藩自將六師鵬舡浮江亦既越之

歸正

丹宸羣策明試加兵襄陽五稔克止公曰乘勝籍民授兵將以大目南國是平

帝曰俞哉惟尔協

朕假尔以鉞誅彼干

禁大師克鄂鼓行而東四万其徒苗浚畀公乃按圖吾與吾守待敵伺先孰與進取自鄂而岳自岳而荆長沙桂林皆勦以兵餘兵數十雖定走檄勢誓言緩心六孔棘又

鋤武庚于海之南左右
皇子交州是戡疇知公勞

大帝簡在衣裘禽隼靡有遺賚不事故常墮其

奎章捷，翻，龍騰鳳翔又

錫金壘合樂而飲臣鄰之家寵未有甚犹若未然丞相是
崇與太傅公同元，公甲子一終玄閭是宅壽止名垂晰
，竹帛北方諸流所王維河九里漸濡尚其餘波宜公有
子匪相伊使不專美虞賞克延世其此居庸瀟滯在西有
碑斯豐流峙與齊

天下同文前甲集卷第三十八

天下同文前甲集卷第三十九

墓誌

陳禮部墓誌銘

序陵劉辰翁

寶祐丙辰之策士也既日昃再駕臨軒有少年首上對徹親覽
卷首有臨御以來如日正中語及唱第進呈次第第七上手擢易
首唱第七既又不滿真首唱第四第四則三山陳俞也于是寶
慶三十又三年矣特諱言久前別院命賦題以于道以忤聞故
州苑附會如再中然前徹覽後易真皆命也而俞策亦寔有及
嘗立者舜卿嘗語余改官不能使俞第一天子不能使俞第七
其自信無怨如此而亦從是退飛矣初君授靜江軍節度推官
開慶與吉州推兩易故君以己未東至序陵辨守禦明年江上
清軍間得余詩于它許疑不屬余為舉子美九葉流鶯轉君覆
然曰是在愈術中而不悟自是莫逆于心每坐尚友齋倚梧竹
極談世事成壞即使長急名不頌幕辨粲然無所屈其辭可
著為令李肯齋帶健吏事稱不及不及去之日有誓心錄三卷

取歐公夷陵語也人生至今德之而媚者謗者為不少矣有以
科斗竹書獻當國者喜且驚曰彼白屋安得此必平園公家物
也詎止此獻者俱說曰我出陳推官後矣語由是喧不辨遲歲
年得書庫稍迂大學錄咸淳除博士竟坐前語逐不辨它日謝
丞相啟云人之云々謂盜周公之宝玉其蕭然坦迤玩世無悶
如此而亦從是老矣又四年而美充福建帥幹闕至此鄉嫌改
改添差不釐務久之又改添差福建運幹侍次于是咸淳八年
矣復除火博十月免乃德祐前予湖州別駕德祐改建寧于是
國事非矣肯喬李公之為湖南也強起君以浩然以身許之
會文丞相脫身渡淮歸行都建督景炎以大著除君督机君請
據汀搖顛出江西母緩君本赴河南至是哭河南歲尽以所部
福安軍發谷口道病至汀卒有趙同舍文自君歸能言巷居人
夢絳紗籠甚盛迎陳礼部去且果然文公哭之慟葬之伏席山
題曰州亭先生之墓君年二十九出文榜至是四十九又明年

文公北日門人林達可始以塘記來請銘則君死十九年矣其
言正羽檄徵兵皆君蕭夫人憂苦塊竊語于用武之無地氣後
作蒼雪林辭二疊不可忍聞李公期君以管葛之事君以贊文
公以張李之功其反覆策軍事謀家基語如史驗如下當未行
夢丞相予黑筆視黑籍如軍書少焉登舟若之賤所風月凄冷
殆非人世境也吾死矣夫親友共由其行不可曰平生故人與
我握右手左乃右之弁士為知己死苟利社稷何恨吾登州亭
望風雨欲一人共死不可得嗚呼我知舜卿使朝坐燕與誼肯
棄老母弱子遷荒在人間哉星言赴維縞素為資得君軍師尚
其旗不甚敗臨河救溺不卜命之短長每誦郭元瑜此語悲之
其乘飛至屋天也傷我吾友生不得志于前死無知己于後其
心之所樂直文字耳而文史亦絕嗚呼吾欲覩乎九京也其有
恨乎無恨乎以君自言其死為不恨則知如余者不死而恨也
悲夫景定末余由建君由京君作隆中雷澤工龍寄余題曰甲

子上元日并贊每展圖誦贊後死何為自吾所知所厚周旋離
合何限求仙才與靈氣惟舜卿惟舜卿古心江君嘗荐君館職
不合黃華甫因云臺中日月論公容添一容耶十五年間夷溷
距簾衣冠道盡君不惟少合亦少可閒居日長奪席寵起州亭
俯晴晦其在下種梅數百長歌入雲俗子無足還頽頽然自愛
韻度乃出蘇子美上為文達大家數四六尤高宕詩本荆公而
每見每進雖在怨誅有柳州南澗之風初學六一公帖卒自為
体如閑花异州風日清美皆余所不及嘗手寫楞嚴圓覺金剛
三經去序陵日棄之先死七年葬其妻鄭氏般若山西州亭中
為壽藏君死子弱不克歸葬每歲寒食馳僕裹飯酒伏席立而
已既十五年辛卯乃啟而合諸鄭宜人之兆陳氏長樂世次見
石室翁碑二子瑒環為族父也後君兄會弟俞皆同舍會先
二年卒俞後六年卒瑒謀銘于達可達可曰有先生之友孟頫
道遠日迫請刻之墓上其可由是林君之請勤矣林君之誼高

矣吾銘成則葬後之五年乙未四月也君著述多壙誌傳之矣
此不載銘曰

長歌兮莽蒼青松關兮白玉堂奄塵昏兮夕陽我不起兮
不如彼童汪君墨線兮何壯搵余替兮替實先忽反頽兮
魁淪降君不歸猶葬湖山兮朝行蘭蕙蕙絕兮詣子浪浪
信終古兮誰芳君余銘兮宰上余麟兮不祥行張兮不
得四方蹇思君兮天望君為龍兮奚憾

天下同文前甲集卷第三十九

天下同文前甲集卷第四十

墓誌

元故翰林侍讀學士因信使郝公神道碑銘

涿郡盧摯

公諱經字伯常郟氏自潞徙澤之陵川始公八世祖祚曾
祖昇祖天抵父温既沒其徒相與踈靜直處士有三男公
其長子也八世祖而下皆同居業儒不仕以淑其里竭休
潘慶乃發于公壬辰之變靜直君流寓燕趙間公年十餘
歲沉塞靜重狀貌瓌奇精敏有志氣尽力于職及其為學
畫或忘舖通昔詰旦衣冠危坐諷誦不輟劬勤如此凡五
六年剝剝挽摩磊呵而直廉卓而輝涵積揉累日殊月異
穎芳雋腴充而足之趨武周孔比肩淵軻雷夙斯文陶冶
當世慨然以為已任山峙川駛天游神遇屹乎莫移浩乎
莫禦變化不可測矣既冠順天道左副元帥賈其一見待
以國士万户張蔡公柔館公帥府張賈子弟皆從質學海
內名諸侯聞伯常之風者莫不飭使介走書幣庶幾為屈
賓友公一一謝絕

世祖在潜邸羅致异雋挹其聞遣使者一冉起公既奉

清問上稽唐虞下逮湯武所以仁義天下者緩頰以談聚
若所陳也

帝喜踰所聞凝聽忘倦且俾所書欲言者條數十餘事皆援據
古義劇切皆病及踐祚更化用公之言居多歲已未

憲皇自將伐宋建益上沉

世祖總東師跨荆鄂公建議大概以謂彼無釁可乘未見其利
惟修德以應天心發政以慰民望簡賢以尊將相厚族以
壯基圖撫殊俗制列鎮以防窺竊盟結保境興文治飭武
事育英材恤罷氓以培植元氣藏器于身俟時而動則宋
可圖矣

帝偉所論以為江淮荆湖南北等路宣撫副使然勢不中止遂
絕江圍鄂守將賈似道賊遽請和屬

憲廟升邀

王師言還

世祖即皇帝位

詔公以翰林侍讀學士使宋歸使曰國信錫金帛符公方踰淮邊將李璫輒潛師侵宋兩淮制置使李庭芝寓書于公蠲以款兵館由真州藉為口實公得書弭兵息民通好兩國實出

聖表日諭邊將戢戍守固以契和議衆所聞知今啟蒙自璫一旦律以違

詔將無所逃罪此何與使人事也公復上書宋主移文其執政論辨古今南北戰和利害甚悉皆不報碩窮^種安詐以撼公之志知其終不可怵于悅數也捷鑄館所塹垣旂棘驛吏訶闔夜士士鳴柝防閑挫抑獄犴之嚴不啻如此介佐而下久于囚羈戚嗟尤怨無復生意公語之曰卿願望不前將命之責一人宋境死生進退聽其在彼守節不屈盡其在

我者豈能不忠不義以辱中州士大夫乎但公等不幸須忍死以待揆之天皆人事宋祚殆不遠矣衆服其言公皆自振勵至元十一年右丞相伯顏奉辭南伐江漢石城望風鄉附

世祖命礼部尚書誥宋執行人之故遂以礼婦公聞嬰疾在塗暨周絡絳既至錫燕路朝以張異瞞隱其疾于塵事也

詔治疾于家病遂殆不起以聞

天子悼焉官其子采麟奉訓大夫起家知林州初公之使宋也內則皆相王文統忌公重望排置異國陰屬邊將違

詔侵宋沮撓使事欲以款兵假手害公外則宋權臣似道竊卻敵為功取宰相畏公露其勾盟幸免之跡遂主羈留舉國皆知其非似道不恤也公拘直館十有六年去國未幾而文統伏誅甫歸國宋探誤國之罪似道強宋隨以滅然則朕奸怙寵傾陷善良雖暫若得計机發禍敗曾不旋踵抑

宋有亡微公與阮會其患難不渝始終名節儻一皆而穿
百世者初非不幸也公端以十二年四月卒以是年七月
乙酉春秋五十有三月丁酉權厝保定府西靜真君墓
次公幼至孝撫諸弟極厚待宗族疎近如一萬友樂施德
于己者雖細惠必報然偉特方嚴夙岸峭立衆不可攀勲
良猶奸題帖燕貸故用世之志遠際可為已墮奇擯既處
幽所以立言載道為務撰續後漢書繼五侷權還統章
武以正壽史之失著春秋外傳易外傳大極演原古錄通
鑑書法王衡貞現刪注注子一王雅行人志各數十卷公
于辭以理為主雄渾有氣文集若干卷傳于世嗚呼功于
斯術者不既多乎捐累適已又何其勤也公娶張氏淑明
祇修婉德後公卒子男三人二蚤卒一采麟也以文學行
治擢寔侍從今為集賢院直學士朝請大夫女子二人皆
已嫁孫二人皆幼其孤采麟謀從公之厝兆孟州河陽縣

某鄉某里卜協則次公生平事未謂某曰先子葬有日墓

隧之碑宜得銘得銘非信後詔遠者銘猶無刻也夫子宜

銘其惟侍讀公以宗儒文雅有勞烈于國叙德鼎庸英詳

史氏其堅毅忠壯抱負不可揜者名毅昭徹雖走卒牧豎

深閨婦人皆能道公姓與沒世無聞者異信後詔遠何待

墓刻然固不可無銘也銘曰

鍾氣之奇惟志是持緒道之微而才可為振較邠魯駭察

濂伊獵德游藝載驅載馳孰濬其緒孰植其滋孰芬其敷

孰煦孰吹有寔其虛賓吾能戲


聖潛于藩髮選無遺裾曳冠魏憲言祁小躍淵天飛麟公雲遠

迺瞻南顧迺休

王師迺命鴻碩柔遠淮夷小速其顛公凜乎危削繁搯觚榮現

幽羈刪述臚小名義昭垂薄言還歸昔壯今耆胡不康寧

胡不期頤胡不三事為國著龜清廟宗彝不既厥施輿論



卷41 缺内容

嗟嘻然，嗣慶罔永孝思，刻文墓碑以顯詩之。

天下同文前甲集卷第四十

天下同文前甲集卷第四十一

雜著

天下同文前甲集卷第四十二

詩

疎齋盧摯處道

春晚歛郡高齋

憑高得華楹，燕坐臨北州。偶來稅塵鞅，得與靜者游。世俗仍楚越，城居帶林丘。川明雲物閑，風暄鳥散幽。群峰舉自獻，春溪亦爭流。餘花殿芳序，春苗綠平時。臨觴詎能飲，對時思悠悠。將指訪凋瘵，摩撫庶有瘳。曠職固所虞，永日聊淹留。

宣城南郊何氏游集

懷疴苦無悰，撫節驚歲暮。淹旬屬休告，寧復嬰物務。幽人偶相賞，蕭散隨心遇。寒郊聯騎出，崇岡時延駐。山家如可即，雞犬隔烟霧。舉鞭問樵丁，始識林下路。亭榭歛軒敞，岳壑鬱盤互。主人能愛客，何必論雅素。濁醪散襟顏，池鮮足供具。雖非窮勝踐，政自得野趣。日夕歸影亂，嵐霏襲衣裾。鳴騶慎毋前，悠然望江樹。

書梓山寺經室

問俗來山郭携春到隔溪花香破禪寂林樾受鶯啼欲和觀音
偈聊乘醉墨題閒雲若留客不肯為予西

青華觀西軒

琳宇夏天曉官曹今日閑深松欲無路疎竹不遮山靜對黃冠
語時看白鳥還平生林壑趣聊復此窓間

少林寺贈達禪師

是日得至面壁菴現達磨石影

古刹東風裡逢僧一解顏以經出深竹披衲下空山未要天花
墮聊看石影閑何妨病居士明日到田間

用韵答李肅政承之

隩室微歲暮半菽供朝餐忽聞農父言東田出游現兀兀遵微
行隕籜深茆管霜風六云厲松栢那可干勝寄動睽澗幽素勞
音翰如何烟霞姿乃在原隍間叢祠禱前驅一咲開襟穎豈不

快簡書悠然有餘閑衡門可棲遲瀟灑聊盤桓明晨下岩壑相
望邈河關

郡齋書事兼答汴梁夾谷左丞

十年皇華使咨度愧清裘承

命甫為郡慮無理人術簡書劇沉迷將迎靡虛日星言入公府
短髮不遑擲首夏氣清淑鳥鳴庭樹密疎箔懸永晝南風泛瑤
瑟退食方偃息卒史已盈室孤臣偶紆組豈不依曠伏賴有同
心人魁然位丞弼昭々麟鳳瑞渾々金玉質革緘俛稱題高誼
寡儔匹矢心振知己言語詎能畢河流行洪源嵩高屹青出期
公山水間千秋恒若一

送程中丞介甫赴雲南行臺

蕭々征馬鳴列々驚飈吹聞君遠行邁執法西南夷六昭漢始
通有唐六羈縻今雖郡縣置綏懷不在茲物產富金貝吏習為
磷緇垢衣可无漉直繩詎易持肅躬行所素舉緇植其維寒霜

固非厲春陽竟何私坐令蠻風革仰報國士知泛泛江海客區
商書期恨久別離去長相思

靜修劉 因 夢吉

保定

古城

我行常山尾高城墮吾前按轡覽形勢依見前燕易水開前襟
飛狐連右肩遙想豪傑場撫以增慨然薪人過前一笑如相憐
指城前問餘考古今幾年沉思未及蒼行歌入蒼烟

登武陽

朝游樊子館晚上武陽城潮接滄溟近山從碣石生斷虹雲淡
白返照雨疎明日暮悲吟發樵歌已愴情

銅雀硯

諸侯負漢已堪憐直筆何為六魏編却愛曹瞞臺上瓦至今猶
屬建平年

慎獨

一葉下秋水微波去不停望中猶隱隱直欲到滄溟

現化

風雨何方來呼童出門望歸報是群峰散在庭花上

易臺

望中孤鳥入銷沉雲帶離愁結暮陰万国河山有燕趙百年風
氣尚遼金物華暗與秋光老杯酒不隨人意深無限霜松動岩
壑天教搖落助秋吟

宋理宗南樓風月橫披

試聽陰山敕勒歌朔風悲壯動山河南樓風月無多景緩步微
吟奈爾何
物理興衰不可常每隨氣運見文章誰知万古中天月只辦南
樓一夜涼

滴水龕

膚寸遍天下至靜涵氤氲因看石滴水窺見永生雲

偶成

夢回聞雨聲，忽覺是風聲。問予何以知，仰見梁間月。

曾點扇頭

獨向舞雩風下來，坐忘門外欲生苔。歸時遇著顏家巷，說與成南花正開。

宋高宗題李唐秋江圖

秋江吞天雲，拍水濤借西風扶。不起斷雲分，雨入江村回首龍。沙幾千里澹菴老，筆搖江聲彷彿阿唐憐。愴愴情千秋，萬古青山恨不見歸舟一葉橫。

今日

今日柴閨幾客來，擬從屐齒數莓苔。求文道士蒼前至，載酒門生雨後回。

盆池

自慚眼孔一盆多，奈此無邊風月何。莫道渾非九雲夢，不妨能著百東坡。斡旋在手天轉隨，虛靜如心景自過。誰弄扁舟說英越，為言吾老怯風波。

養吾李

謹思

明道

懷古

昔我從耆英，圖史娛朝昏。咄嗟陵與谷，永謝西州門。夢中六識路，欲往先消魂。往還無須臾，失散強復吞。西山照公楹，南山亘公垣。平生五畝池，東海遙崩奔。公門山海并，遂斡造化元。招公有薇菊，酌公有佳尊。行吟聞地籟，飛奏劇天閭。公來月星懸，公歸河漢翻。六籍未渠失，百聖諒斯存。翮媚學風節，當誰敦我髮。日以變冰面，由心源。庶無辭汗流，獨此清淚痕。英出灵交香，通緒言因風。荐商參秋思，隨孤鶩。

補疎齋題鷺湖

客來誰與期，微鐘度山椒。松風如起予，問以笙與簫。逸響諒斯存，幽踪莽難招。極目不知還，新詩生沃寥。

王以道三喪未舉

豈無一弓地載予三世碑，瑞語云：碑下冢累，白楊秋氣
深碧春露滋，翻憐會稽山禹穴不得窺

天下同文前甲集卷第四十二

天下同文前甲集卷第四十三

詩

須溪劉辰翁會孟

絕句

江柳長天艸色齊，新晴何物不芳菲。無因化作千蝴蝶，西蜀東吳歎歸

初晴

初日入高樓，歸雲雜江樹。魚游新雨清，鳥語晨光吐。天容起復

靚烟色轉輕，素牆艸麕車前巷。濤映泥路，聰明祛宿潤。礎泣滑
微步會朝有，宿客過午無。未屨沿砌上，墮衣虛庭罕。續袴人生
足無事，世故非所慮。彼語吾不聞，清風有寄度

戲題

無人知坦腹，水影半蕭蕭。驚謂青虫墮，垂絲忽上來

現絮

新燕池塘綠，雨肥初晴未。煥日光微角，巾犹帶。春梢濕綠，倚闌
干見絮飛

山行雨中

雨行如漏蓬，側身半車中。風翻荷葉白，雅可為芙蓉。向來三重
茅，仰屋嘆穿空。已經亂離苦，志念常從容

入城過新雨，路靜市人稀。吾家林塘間，水鴨狂欲飛。門闌稚子
笑，隔樹見翁歸。何人无此樂，頽暮樂知希

春歸

苗春一日不可種樹十年未成芳艸
斷腸花落綠窓携手鶯聲
夜雨

夜半起雷車天門報曉衙何消
如此雨又有未開卷繡被人中
酒茅簷客夢家一晴天地濶稽首見重華

漁歌效陳自堂作

石頭城落淮水刘郎浦對伍州
越沿吳湖安在月明人唱湖州

秋風寄姚燧燧使端父

柳城

庭樹生秋風燧燧使端父奪如失
小虫鳴嚶，高隼飛歟，緬懷素心
人若髮未忘柳百年能幾見
過眼徂雷疾而君有官事出言千
里律何暇喜豈音情與逃空一昨
因趙卿至戒遣書新述篇軸
不害多无憚費紙筆且約來北州
罇酒苗十日晴天逼佳夕共
看華月出非不思餘論門無一親
即吾私如汲車已脫復縈縞
晚菘生待種早稻行可銍少須黃
老發秋風亦蕭瑟倒冠獨山
巔茲游或能必

次韵閣子濟

我友宋僉憲頗聞思湘中每云所
遇奇未易言說窮崇蘭春風
花巖桂秋露叢三年一官内身在
香国東朝航汨羅波翻動海
日紅暮揖嶽麓寺蒼烟樓觀墜喧
名都邑百貨聚商工何肯
訪君游尽歷西南雄

霜水以風濤江船穩歸路唯隱江
間月照汝來往屢長沙隔南
雲尚飽眼險趣天涯念棊錯睽濶
皆舊故新知苟會心何必惟
有素黃鐘未懸業衆目齊瓦釜大
音故希教欲說難至戶况我
言毛輜誰復聽其句所恃君盛年
學仕犹未暮天夫重道義自
足輕外鷺現今紛華傳愠喜隨一
芋願終藏山書榮于鹿眠賦

寄中丞容齋

李侯安慶未遭君江間施問云
歸湍水亦毅偶及我自揆衰鈍
貞舊學日兼墮百事于大賢資
取无一頗始疑蓬蒙子亦有虛

發奇終知匠石斧材不稍瑣，增慙失喜餘背覺。芒刺荷平生，
教相接。醉盞見未可，文字親友間。屢得覩藻火，况聞淵世故。盤
走夜光顯，仰止高山思。願並餘子穎，曆推天日行。蟻右風輪左，
吾徒不相值。其故政此坐，何肯廣陵游。願願終果。

同柳山和尚登落星寺

抵掌女媧前功，捐鍊石力盡。還實天怒飛，十有八万里。擲陷彭
蠡三重淵，藏山于澤信有力。愚公欲移重万肩，黃家亞夫更痴
絕。漫向麟史求何年，安知自尔牛斗躔。天穴上當匡庐顛，銀河
一塞至今飛。沉掛長川我來正逢槐火節，蟻磯少繫東吳船。相
携詩僧上佛閣，箕踞對酒淡其然。渠聞舌撝若自失，子辨乃出
邗衍前。無書大古何所得，為言烏有先生傳。

崔葦嘆

瀕江不可禾，歲惟葦。葦茁青林無端倪，永與江水正。由為新蒸
恃責以祖賦，出園人誠貪。夫苞苴黃金，鑑暮夜鑽。叔倖入牒，妻

子負輸課，或未償。沒之良不郵，他家皆辦為得者，皆富室。秋風
霜露落，百穀皆已寔。處，傭千夫，豚酒健力鉅，細載向城市。官
外私羨溢，遺寄狼藉。陳入者必見叱，或因取束緼，隨以盜採律。
春風將新萌，剪伐未十七。下策付一炬，炎火赤天日。坐視煨燼
空，不丐民貧病。因推是為心，可見無仁術。周官衡虞置為法，未
甬密亦已開利源。千年誰能窒。

吳吾彭 元遜 明叔

雨歸

我行方旬浹，禾生已扶疎。蛙鳴滿阡陌，水中有游魚。万物不知
長，我還安得居。好風時來拂我几，上書痴兒習晏起。飽飯亦
有蔬，尔不念稼穡不學將何如。

種牽牛

開門見微雨，傍竹種牽牛。未有歸田日，柴巷且及秋。

江上

飲啄畏塗迫農商生理微
山寒行旅急江晚渡人稀
老樹秋仍立飢鷹夜自歸
儒冠空得誤無復舊戎衣

得微雨行視新種松子

春雨種菜子秋風吹樹苗
微生同度世千歲聽干霄
艸木慈心長虫魚惡念消
莫年容晏坐羽葆衆山朝

夜雨

黃葉委門巷暮歸村徑荒
寒兼山外合聲與夜深長
雞老聽風雨鷹飢夢雪霜
畏人踈者酒俯仰失周防

歲晏

歲晏憐童稚村荒愧老夫
牛羊各有主烏雀自相呼
橋雪昏迷迳山風擁夜爐
白雲歸落木無復共窮塗

春雁

年，見來往處，隔悲歡
羈旅偏憐客漂颿復過寒
飛遲先遠喚聞近亟相看
未有清明雨天長羽翮乾

登華山

天涯俱得歲嶺外間逢人
空澗浮元氣蒼寒接上春
波濤容一旅風日始遺民
俯仰乾坤在悠，寄老身

夜歸菴中

御風旬五日數，記山扉
楚渡中流黑農談隔楸微
桔槔罷世故絡繹動天机
露足灯前坐城中洗鉢歸

山中夜起

征鴻中夜行何不就我宿
山深金氣壯明月何肅，鳥獸四無
声虎狼卧空谷星河落樹外
龍蛇散平陸區，平生心無以少
自贖

次韵會孟惜別

蟋蟀有幽意早催寒女机
村春聞雨飽客袂見秋歸
漂泊寧堪別惟娛自欲稀
長年加愛惜凉冷近房闌

客居

口腹勤天地客居何所操田園催麥季風日過櫻桃鶯起青梅
落風回亂絮高州心空自老去自劬勞

清都現

上帝高居擁絳霄人間宮館故漂搖海山自隔蒼涼日章水空
來寐莫潮誰見赤書持浩劫時通羽蓋集陽寥衰年无路披舟
悃下有巫陽不尽招

寒臯盧朔

擣衣曲

昨夜砧声忙今朝声較緩停手拭淚痕不教老姑見

病中有省

示疾得高眠歲月委一榻驀然有會意言不待問荅病是檢身
方睡即出世法竹風語我来時一蕭颯

二恨

讀書恨無書鄰非魯東家對客恨无酒黃壚頗難賒青鞋共短

策請謁山翁茶向來禹稷事悠在桑麻一笑復何說新春天

上佳去年醉西塢曾約小桃花

花信

櫻苑新買試單初團扇吳姬笑倚壚曾被棟花風信誤春衫未
可典春醕

天下同文前甲集卷第四十三

天下同文前甲集卷第四十四

詩

青山趙文宜可

古樂府

上之回

武帝元封初因之雍遂
通回中道後數臨幸焉

動皇輿田中道龍為驅席為慕樂蕃釐祠雍後息甘棠飲天酒
淡穆清水熱惱曰夷服咸稽首臣三祝皇万壽

有所思

古樂府有所思後半篇殊不可畧改正之

有所思乃在大海南何用贈遺君双珠璣瑁簪聞君有他心當
風燒之揚其灰今已往勿復相思勿相思又相思秋風
晨風颺心思君兮君不知

公無渡河

公無渡河或作墜篋引朝鮮津卒霍里子高妻麗玉所作也高晨起刺舡有白首狂夫被髮提壺亂河流面渡其妻隨止不及遂墮河之曲声甚悽愴曲終自投河而死无高还以声者莫不墮淚飲泣為

河之水深復深舟以濟犹難謹被髮之夷狂不可箴豈無一壺
水力難任與公同匡沐恨不挽公襟乱流而渡直下千尋我泣

眼為枯我哭声為瘖投身以沒公豈不畏哥沉同歸尚可思独
生亦難禁公死狂妾死心蛟龍食骨有時尽惟有妾心无古今
河之水深復深

團扇歌

晋王珣与嫂婢有情好嫂鞭撻過苦婢素善歌而珣好持白團扇故云團扇復團扇許持自適面憔悴无復理羞与即相見

私衣必見污葛屨必遭踐生世不為男托身况微賤悲痛只在
心憔悴更障面出入懷袖中羨郎白團扇

丁督護

宋高祖女夫徐達之為魯軌所殺高祖使督護丁旣歎之妻呼旣至閣下自問敏送事每問輒嘆息曰丁督護其声哀切後人因其声廣而為歌焉

丁督護為我行去時馬上郎今作野外殤男兒肯断頭婦兒空
断腸丁督護聽我語欲泛君臂不羽嫁時所結髮剪之隨君去
丁督護念我苦未止人殤鬼嬾古若無銜冤乾坤無風雨

上陵

上陵漢章帝元和三年自作為上陵食奉

上古陵古陵無可上苔而綉澀州烟愴悽鴉鴉蹄荒林狐狸穴
空墻豐碑去梁何處津聖周作灶誰家場不如東鄰一坏土樵
牧侵陵白官府

銅雀臺

魏武帝遺令燒好美人皆著銅雀臺上施
八尺牀總帳日晡上酒脯月朝十五向帳
悲仗其意而為之詠魏志云建安十五年太
祖作臺于鄴以名焉
置於臺上曰以名焉

朝望西陵墓夕望西陵墓望不復歸月朝又十五月朝十五
可奈何更對空惟你歌舞銅雀昂然飛不去當時美人髮垂素
我生不如陵上樹年一樹根穿入土

法壽樂歌

古詩未始道佛事梁武帝即位後更造新
聲帝自為之辭帝既薦敬佛法又制善於

天樂天初天道仙道神王龍王咸過惡除
爰水斷苦輪等十篇名為正樂皆述佛法
又有法樂童子仗童子倚歌梵唄今
所謂舍利弗法壽樂歌皆自出也

西雲垂天飛流黃寶鬘百万隨風揚帝君摩醯首羅鄉采女如
花侍帝旁珠啼玉唾天花香澹然神情無世妝下視邢尹紛醒
狂梵唄琅琅出清吭天庖供饌荐豆觴帝飲食之壽以康恒沙
世界俱來王天王神聖臣忠良春風万里酣耕桑而滴可數海
可量無有能知法壽長願梵天釋帝万億歲一歲壽杯天下醉
天下同文前甲集卷第四十四

天下同文前甲集卷第四十五

詩

魯齋許衡

林慮山

我愛林慮山不處要路津茲為幾千古絕朝市塵我來成素交
澹日日益親形骸兩相忘誰主復誰賓充然樂我飢怡然栖我
神朝光連暮色佳意會餘春心境一融會世味殊未真爽々
木先熙々禽鳥馴衆物欣有託吾庐行亦新詩書詠以歸况有
耆德鄰

姚敬齋同游黃華

我生愛林泉俗事常鞅掌十年苦煩劇一念愈傾仰峯壑看昼
因雲烟入想像久成心上癖欲忍不可強荷有敬齋公恒以善
相長携我游黃華一洗塵慮爽行々嘆竒絕舉目皆勝賞鏡臺
聳百險瀑布落千丈石苔漬重痕溪風動幽嚮使我躁競息使
我心志廣恍如夢中身翱翔千古上回首声利場誰能脫塵網
我老得仁人動作皆可象還家擬鄰居求田莫接壤便許朴鈍
安于此靜中養

送竇清叔

初來識君面此行見君心匡時有長策慮遠憂且深俗情取近
效雅意入函沉人生貴所依所依貴知音知音得展布身將比
黃金我本貧賤士多思委相尋未能办一飯胡為遽分襟征鴻
出遠塞西風動疎林去々渺万里何年酒同斟合情望無極白
雲障孤岑

歸興

歸興不可遏歸程待何肯悠悠々故鄉心一夕千里馳西風動霄
漢慘々令人悲况我多病身天涯久棲遲交游義難忘豈忍輕
別離重念丘壠遠嬌兒正愚痴因循死異邑後世將何遺所願
經營日及此未全衰樹桑墻以下開畦水之涓既得舒困難且
可為鑑臺幼無孝弟稱老無恩澤施惟有近先塋一死乃其宜
諸君苦留連雅意金蘭期我自無選福形骸交焦痿生平尚求
西之緩急有擬議行止更無疑作詩叙懇疑為報吾友知

七月望日思親

思却千思與萬思音容無復見當時
州窓夜靜灯前教蔬圃春深
膝下嬉將謂百年供色養豈期一日
變生離大山為礪終磨
盡此恨綿、未易衰

病中有感

十載天涯客寄身今年憔悴不堪聞
病來與死傳消息老去無家遺子孫
故里惟游頻入夢春城疑眺獨消魂
如何藉我知音力五畝歸耕沁北村

別友人

永懷不得遂偃卧惜分陰沁北田園計
山東故舊心

柳菴宋渤齋彥

永州黃溪遇雪

黃溪永奇山近在百里內豐林與長壑
嶮峭蔽鬱蒼奈何不逞曹乃敢中睚眦
坐令清勝境橫遭蹂躪伐害我苗大冥川
十日陰

雪晦分卒搜洞穴徑造厲戈袂日暮效
醜馘山氓喜且拜啁啾語莫曉大要意
稱快楚俗本悍獷狙亂恃荒怪撫循誰
失方悖獨化無賴山禽奮所陌畎澮八九
廢春洋入渚津上膏行可未為語里長者
農事幸相戒努力為汝生使者知汝瘵

舟過浯溪

三年承乏湖外官再歲舟楫瀟湘灘
大冥小冥十日雪黃溪復訐群盜盤
淡岩奇絕永所最居且兩月不遂現
舟經浯溪適津澗幸可弭節登嶺
元即宅廢僧寺出唐頌字剝石洶漫
境清事勝欲久留日暮雨甚江流湍
鳩鴉踣鳴不畏人磔、嚮振青林端
昔賢誇稱臨賞地此日艸竊常舖餐
湘中剽劫連越俗迓未比屋為傷
殘于乎安得二千石前以糞遂後
刈寬時其飲食衣其寒

丙戌冬至衡陽食柑

衡陽冬犹温長至似春日朝盤筍
蔬夜砌嚮蟋蟀白酒如玉膏

黃柑飽霜宴更闌
袂衣坐灯火不欲即
三年江之南光景去如
失奴、節序時無歲
寧家室宗祏香火寒
年醴誰致繁三維隔
兩地不得遂願恤勞
生分有數敢但念安
逸不虞與與求全世
或不可必官事未易
了應止筋力率漳東
二頃田亦粗給杭林

衡陽村院得杖材寄徐容齋

放舟清湘波擊舟湘
水曲落日紅霧生
蔽映兩崖綠衲衣何
處僧揖客看修竹攀
援入幽深松桂荐芬
馥輕颺振裳衣餘韻
久回復亭、小梅卷
却立野人屋蕭然方
出林碧玉万竿矗敢
攀藤龍新請乞老枝
感詩翁澹古思與汝
交不瀆往登讀書堂
清修配佳菊

吟竹顏

奎

子輿

早起

曙禽何喧、早起身自健
曾嗜曉枕涼更眠
秋成倦道路記風
灯聞雞共村店自笑
七尺軀可貴亦可賤

缺月留樹西簷
虛涼氣集夜來不聞
雨庭露空翠濕
菖蒲水氣上一葉珠
一滴幽蘭有憔悴
古井手自汲

長林

雨瀟、風颯、柴局閉
青烟發濕雅投暝
如破山驚起林塘未
双鴨光搖遠影誰
氏樓日、換度人間
愁倦客西來老風
雨明朝又遇長林路

宿溪西

款段徑行路暗知
殘灯破屋又溪西
清霜欲下雁初過
新月未高鳥正啼
氣到金莖天影濕
峰垂紫蓋斗痕低
隔窓有客寒无寐
說到更闌聞馬嘶

晚渡

家近歸可晚悠然
待渡心寺鐘繁樹
尽漁火入江深偶
立生新感微吟極
遠尋柴門新月上
種樹喜成陰

莫春同王靜得

土花滿廷行清曉芳艸欲烟生遠愁鳥愛綠陰吟細蝶追紅
影去悠悠夜來葉底一番雨春到江南第幾州隔屋嶙峋青更
好薰風萬籟化蒼蚪

和刘及翁

如此別易久詩來知勝游故園春又晚昨夜雨如秋雲外有黃
鵠人間無白鷗關山明去眼誰倚仲宣樓

晚望

悠悠天影下平蕪境落依微竹樹疎斷雁不知秋意老西風獨
在晚晴初一篷烟火漁歌起万里雲帆客影孤隔世有情歸暗
合不逃摩詰昼成圖

東溪甘泳中夫

自述

總角希聞道殘生乃付詩曾前輩識敢辱近人知飄泊身餘
健蕭顏髮欲衰一簾書四壁寒日在清池

過南湖

忽有一事礙胸次擺脫不去呼酒來溟濛混沌在坦蕩
虛空開精神一生白筆墨形骸昨夜為尊罍年看梅今白
髮晴日江路行莓苔

與危見心同和完顏御史沂聯步踏月韻

明月送人歸明月照人宿月落夢醒時清霜盤寒屋

晚立黃洲

今度闌干倚蒼苔入暮天碧溪分市井華屋亂雲烟鐘隔春來
樹灯流夜去船惜哉題柱壯琴動鳳皇絃

小絕

一夜睡不著小窻天忽明林塘寒鳥聚聽得最初聲

陪完顏御史行金石臺分韻得丞字

勝景踰千載吾人得共登五峯交地勢一水合沙稜荆國成何
事浮丘有異能山頭有田父未必識中丞

歸來

謂我猶羈旅歸歎已的然風霜高枕外江海小詩邊達磨移華
夏莊周侮聖賢向來知此事未敢棄予年

秋雨詞

昨夜秋風來人間雨如海山搖一秋洒一早起 輪老紅竟

何在惟有殘雲漢一弄涼態千林万葉浙瀝作声豈无綠色奈
何凋零四時更变化采玉胡為愁直須痛飲千斛酒亦不知有
春亦不知有秋鴻濛濛我汗漫游絕憐九辨大蕭索爭與虫声
起籬落東溪子今夕呼月當中天看我大醉西風前便令秋滿
八千歲我醉依然月下眠

天下同文前甲集卷第四十五

天下同文前甲集卷第四十六

詩

中齋鄧

光薦

中父

步月

皓月流華光微霄暖虛碧空庭四無人及此美 夕霏微弄香
霧澹蕩舒王色離花影斜稍一蘭露滴頽然意忘倦欲起還自惜
春晴諒難得後夜空想憶
盈一當春月含情隔函櫺好依不自制起坐可一庭娟一吐微
雲迢一映華屋不寢步芳陰裝回惜娉婷百虫未敢怨卉木正
葱青餘光散州露乃復似秋螢

曉送

曉風吹眾綠中寒露氣清振袂起行散超遙覺身輕愛彼唐菊
香淡然无世情依稀麗家女提籃携籬行雖無膏沐意皓質玉
雪明相看味禅悦何必話無生

暑夕

暑夕不能寐起坐林間亭
望鼠欺黑月流螢亂飛星
薄不辨艸樹青蕤涼露下稍
殘夢醒幽虫故兒女私語如
相應鄰鐘自何來迢迢入孤聽

夜聞風聲歸思浩然

西風響高樹鄉夢去帆前
稚子衡門下先瑩亂葉邊
老來多一出歸去恰經年
海燕巢何晚秋期落甬先

磐山

斜陽客如西路轉
鼓薄間驚禽忽衝起似石投前山

午坐漫亭

隔簾遲日午風微
社燕驚寒未肯歸
讀了丹經成嘿坐時
一片杏花飛

望夫山

朝望夫暮望夫
一夕化作山石枯
潮水去却回行人來不來

竹澗楊學文必節眉山

題節婦胡氏殺虎圖

并州渤海縣兵藉劉平之妻胡氏與平同戍
陽夜宿沙河平為帑齧胡奮身掣帑足呼稚子
取寸刀剖帑腹平幸脫爪牙而一臂已傷三日
而斃徐大常作詩紀寔好事者圖之以旌其義
余賦長歌憫之

酸風動地天怒號
黑雲撲面烏輪韜
豺狼當道魑魅舞
弱肉強食隨其遭
當皆征戍寧辭苦
倡隨誓與同生死
暮沙叢葦起吃
哮居然肉血歸
塵土呼天叫地投
林去夫君不有吾
何惧英義胆鬼神
驚一刀兇手天為
助百雪呵斥帑自
傾不然何能與
帑爭當熊委身差
可擬射雉始笑何
足倫紅窓綉線香
風動蟠螭卧帑金
麟鳳此圖價可百
倍高江梅不入梨
花夢蛾眉巧倩肌
凝雪可能此婦孤
裘烈百年義重一
身輕茫茫宇宙悲
豪英梅花

朔風凍雲低雪意光林杪北枝寒無聲南枝香獨早縹緲羽衣
明的蝶椒房小中有浩蕩春咲傲烟塵表美人山店夜玉光破
寒曉孤紫豈欲高群芳自枯槁悠悠歲寒心不為東風老乾坤
万壑冰一卷已不少

月夜

明蟾破雨欲流水一碧涵空万籟沉和夢起來就是蝶滿襟花
氣露痕深

西白糝 希陵

現郊祀

帝闕開嵯峨衣冠捧赭袍金龜動龍旆玉露裊鸞鑣祀樂出大
國衮旒拜南郊天儀瞻穆穆日彩見嫺嫺南瓚芬柜皂鳳皇來
蕭韶於昭帝德廣陟配昊天高軋健育万物離明位六爻先風
清海寓弓矢盡鞬橐

送人歸山中歌

青山兮欲歸不可得兮褰衣駕玄豹兮驂赤狸雲冥兮風飛
、獨偃蹇兮世路寧容與兮溪渚泉涓、兮石齒、君不歸兮
何為

湘江曲

二妃淚洒湘竹斑湘江沉、凝曉烟月照古祠江水邊商船來
往燒帝錢桂花滴露江雲寒竹間一聲啼斷猿

秋夜長

秋虫嘖、寒莎底城頭秋月白如水二十五點秋夜長點、滴
斷離人腸万里一身風露涼家、秋砧搗衣忙

山中

心多於世背獨未與詩忘得句忽自喜從人道我狂溪光和月
白露氣滿山涼自咲甘清苦年來髮已蒼

送海南僧

師住在南邊到鄉須隔年寺鄰天竺國鐘落海蠻船
盡日斷火

食經冬露地禪銅瓶休取水恐攬毒龍眠
天下同文前甲集卷第四十六

天下同文前甲集卷第四十七

詩

明齋楊學李希聖眉山

初秋夜坐

青灯伴微吟煩暑犹蒸炊風声如山雷怒落窓西籬砌蛩泣
莎老樹鳴高枝桂魄忽婵娟夜氣侵涼絺尊羹豈不悵未了
載痴依游子情堂萱重馳思祇將冰雪心或可慰母慈
為家歲夫豈世俗知南來秋復秋賸喜瓜及期娛親已可
須記思親時

西郊晚步

江城五月風雨餘嶺南地僻少馳驅政餘長日無與俱尋幽步
屨城西隅地平山遠迷綠蕪垂楊深處聞鷓鴣索迂小徑通浮
屠松風夾道笙竽清池冷浸秋水流如有露氣侵庭梧桃笙院
靜橫竹奴栩栩清夢游水壺覺來殘照不可呼更待好月同歸
塗

望雲樓

樓在賀州治之東北紹興間太守黃尚賢所建
高盤城壘下瞰江山是為一郡之奇觀年深頽
圯大德癸卯余命工葺而新之獨以未經前賢
題咏為斯樓久事暇日輒一登臨為之神怡心
曠因成十二韵以紀其勝

樓前山色青如鬢樓高夜映星斗寒推窓縱目納吟思倚檻爽
氣生眉端荒烟宿靄迷野甸古岸怪石橫驚湍城孤下瞰天蘸
碧日永坐聽風鳴壑登臨獨慨成郭是把酒一醉還三嘆雖未

如元龍高卧之百尺已不減庾公步月之游观又何須黃雀霄
漢之浩渺亦可想岳陽烟水之瀦漫滯然獨立賀江滸已矣樓
中沸歌舞勝景无詩亦可羞謾自簷楹庇風雨望雲人迹迹生
塵祇有江流自今古

益謙譚 楚翁

感遇

越客拊絲桐完音合韶武挾以游燕趙又以遭齊魯國中習笙
簧相倩侑謳舞懸之價千金賢庶不一觀漂零万里道声形沈
塵土歲深弦柱裂腕爪弗堪鼓萋萋歎復歸誰瞻往來苦尚想
有田連持存欲易譜

素無玄豹姿雄期與心違霜風不解事偏逗游子衣葉落知天
寒群雁亦南歸澗湖蘊藻沕汨魚無依朝來烹雁書偶獲故
鄉書中一言鄰非昔人居

秋深林木交年邁容髮改雲南聽夜雨酸風寒鉄鎧怕餽餉

人羈苗生凍餒茅閭與綺羅倚門日長待誰歌東山詩以潰此

疽痍

喧々林雀散哀々鴻雁離愁雲醫薄日慘々添傷悲行々行復

止迤塞相綏々壯夫心鬱結深閨淚暗垂茫々辰沉道漢々雲

南岬夜月焰營壘千里桐相思願言嘉靖時暮秋以為期

幽居昔嵒窳時日如轉丸况乃金天夕蕭瑟嚮琅玕獨宿夜為

長菴啾穴垝垣攬衣出中庭明月可與言織女不秉機兔絲滿

故園燕麦若堪食雜與蔓艸蕃濟會亮能固人情無寒暄

宿浮江

停驂逸鞦韆夕爨乞石火仙人浮丘翁詒請事大夥行止信不
訾出處諒非我片楮可市酒聊醉覺慵惰高眠茅店月絕慮夢
無禍

過湘江

烈風動原野花柳奄離披天吳增憤怒蕩瀟无寧期勾々黃帽

即怍心傷悲輕舟欲宵遁遠此湘之湄津隘禁令嚴去々悵
驚疑餉饋六良苦軍士怒調飢于以賦祈父憂恤悔何追于以
歌鴻雁嗷々水中城

溪山劉一飛 景翔

常德府

南渡潛龍府嘉名記止戈地休秦洞稅人貫鼎州歌夜月丹砂
井秋風玉帶河春申珠履跡游客至今多

招屈亭 德山新城

勝地幾千載凭高豁醉眸沙寒在渚月樹老德山秋遺恨從天
問孤忠寄遠游荒祠重回首又聽竹枝愁

出嘆

促織鳴懶婦驚心驚不為寒良人役苦辛安得化作万機杼為
办上供婦應喜
燭々丹良照夜光柝禁分有嚴宵行兮何忙昏々自照欲何去

莫向灞陵逢醉尉

鳳子車相々飛人生夢是邪非忽々相遇知為誰唐宮金玉已
沉落鬧逐兒女張羅衣

花下獨酌

兒時手種植感此歲月深歲月不復返但見高々林嫣然枝上
花旦暮成古今所以溪山客倏然脫塵襟卷自為我舞身自為
我吟有肯倦復坐酒醒時更酌斟一咲開落中靜見天地心

重游

石如人立對斜暉偶共閑僧此息机止水無風看月度高山有
雀伴雲歸詩由後桃千樹人到重来柳十圍灯影長明青一點
灵光還是昔時非

偶題

小苑別後到茶蘼瘦損春容費尽詩燕子不來消息断東風独
自倚闌時

雁過

人立西風慘淡餘
荻花搖曳晚晴初
雁聲不向樓前落
又是一番無寄書

天下同文前甲集卷第四十七

天下同文前甲集卷第四十八

詞

疎齋廬 摯 處道

六州歌頭

題万里江山圖

詩成雪嶺西裡見
岷峨浮錦水
歷灩澦滅坡陀
雁江沱喚醒高
唐殘夢動奇思
聞已唱現楚無邀
宋玉訪巫娥
擬賦招魂九
辨空日斷雲樹
烟蘿渺湘夢
不見木落洞庭波
撫卷長哦重摩

掌問南樓月痴老子興不淺
夜如何千載後多少恨付漁蓑醉
時歌日暮

天門遠愁欲滴兩青娥
曾一舸奇絕處半經過
万古金焦偉
現鯨鰲背倦意婆娑
更乘槎欲就織女看飛梭
直到銀河

梅花引

和趙平遠催梅

綠華縹緲玉無痕
託清塵擬招魂
放着藍輿懶倦到前村
咲撫高喬新樹子
晚妝未倦學夢雲
竟日含情何所似
佳人望夫君
寒香細月空江上
會有春溫羞澀冰
凝寒莫拚重門交
下橫枝消息動肯虛負
風流竹外尊

蝶戀花

鄱江舟夜有懷餘千諸士兼寄熊東采甫

越水涵秋光似鏡
泛我扁舟照我綸巾影
野宿閒雲知此興
無人說與沙鷗省
回首天涯江路
永遠樹孤村
數點青山暝
夢

過煮茶岩下聽石泉鳴咽松風冷

菩薩蠻

寄江西米理問信父

市橋烟柳春如畫小樓明月吳山下把酒聽君歌可人良夜何
舊游新夢斷月落西江遠江上數峰青寄聲徐孺亭

清平樂

送張都事子敬扶滿北歸

朱絃三嘆空瑟凝塵滿更奈芙蓉秋思晚湘浦離歌欲斷
年樽俎風流憶君送客江樓此日江樓送客忘依賴有沙鷗

清平樂

行郡歛城寒食日傷警折有作

年昔寒食直到清明日州、盃盤聊自遣不管家徒四壁
年寒食無家東風恨滿天涯早是海棠睡去莫教醉了梨花

清平樂

歛郡清明

海棠凝絕忙甚都開徹不是蕪菁花上蝶誰為清明作節
山今日無塵綉衣却待禁春莫遺鳴騶多事老大也是遊人

天下同文前甲集卷第四十八

天下同文前甲集卷第四十九

詞

江村姚雲

摸魚兒

詠良嶽圖

渺人間蓬萊何許一朝飛入梁苑網川梯洞層現出鬼帶取鬼愁
龍怨窮賞晏談笑裡金風吹折桃花扇翠華天遠但莎沼螢粘
錦屏烟合州露泣蒼蘚東華夢好在牙樞雕輦西園歷、曾

見落紅萬點孤臣淚斜日牛羊春晚摩凌眼看塵世鰲宮又報
鯨波淺吟鞞拍斷便乞與媧皇化成精衛填不尽遺恨

八散甘州

競渡

卷絲、雨織半晴天擢歌葵清艤甚蒼虬怒躍靈鼉急吼雪湧
平川樓外榴裙幾點插破綠楊烟把西羅遙指助嘯爭先
憔悴即曾記得青龍千舸采石磯邊嘆內家帖子閑却縷金牋
覺素標挿頭如許伶風情終不似鬪贏舡人聲斷虛齋半揜月
印枯禪

靜得王

夢應

聖與

疎影

普騰曉被聽隨水屋角晴嘆仍未土濕烟生庭揜寒青郵泥懶
為春試東風舊與花飛去料記得年、沙際恁落梅萬點苔根
化作一窻離思 猶憶為紅穉綠斷橋雪未掃天近春易老對
荒寒事舊人新雁沒不成情味人間解有花如海待一片不教
隨水但玉香酥影玲瓏逐日暖紅雲裡

醉太平

送人入湘

寒窓月晴寒稍露明一痕歸影灯青又分携短亭 衡臯佩雲
蒸溪酒春有誰勤說歸程是峯頭雁聲

吟竹顏奎 子俞

清平樂

欲留君住且待晴時去夜深水鶴雲間語明日棠梨花雨 樽
前不尽餘情都上鳴絲細声二十四番風後綠陰芳艸長亭

歸平遙

春 沸、簷花双燕入少年湖上風日問天何處覓 湖山西
屏晴碧夢華知夙昔東風忘了前跡上青蕪半壁

浣溪沙

夢泊游絲昼影移水沉香宛紫烟微玉笙綵過樓西天上
人間花事若鏡中翠盤四山低又成春過據鶯啼

菩薩蠻

燕姬越女初相見髮雲翻覆隨風轉日轉如雲朝白髮新
江南古佳麗只縮年時髻信手縮將成沒來懶學人

小令

壽須溪

茶邊水經柔邊雀經小窓明甲子初晴報梅花小春小院晉
人小車浴人醉扶兒子門生指黃河解清

憶秦娥

水雲函怕黃霜竹生新愁生新愁如今何處倚月明樓龍吟
杳々天悠々騰蛟起舞鳴笳篴聽吹短氣江上無秋

大酺

和須溪春寒

唱古茶蘼新荷葉誰向重簾深處東風三十六向園林都過餘
寒猶妬公子狐裘佳人翠袖怎見此昔情否天上知音杳怪參
差律呂世間多誤記画扇題詩單衣試酒夢歸泥絮嗟春如
逆旅送無路遠涉前無渡回首住凌波亭館待月接臺滿身花
氣凝香霧度入南薰去苗燕伴不教遲暮但一點芳心苦生怕
搖落分付荷房收貯晚菽又隨過雨
天下同文前甲集卷第四十九

天下同文前甲集卷第五十

詞

壺秋羅志可

金人捧露盤

丙戌過錢塘

濕苔青妖血碧壞垣紅怕精靈來往相逢荒烟瓦礫宝釵零亂
隱鸞龍吳峰越嶽翠顏鎖苦為誰容浮圖換昭陽殿僧磬改
景陽鐘人間事淚老金銅驪山廢盡更無宮女說玄宗角声起
海濤落滿眼秋風

霓裳中序

四聖現

來鴻又去燕看罷江潮收画扇湖曲離闌倚倦正船過西陵快
篙如箭凌波不見但陌花遺曲淒怨孤山路晚蒲病柳澹綠鎖
幽院誰恨五雲宮殿記舊日曾游翠輦青紅如寫便面下鵲
池荒放雀人遠粉牆隨岸轉漏碧瓦殘陽一線蓬萊夢人間那
信坐看海濤淺

揚州慢

危榭摧紅斷磚埋綠定王臺下園林聽鶯竿燕子訴別後驚心
低江上青峰好在可憐曾是野燒痕深付瀟湘漁笛吹殘今古銷
沉妙收不見縱秦郎誰更知音正雁妾悲歌鵲笑醉舞處戶
停砧花碧舊愁何處魂歸些晚日陰陰渺雲平鈇壩淒涼天也
沾襟

天游唐玉可大

齊天樂

贈童甕天兵後歸杭

相逢喚醒京華夢吳塵暗斑吟髮倚檐評評花認旗沽酒歷歷
行歌竒迹吹香弄碧有坡柝風情逋梅月色曾鼓紅舡滿湖春
水斷橋客當年何限怪侶甚花天月地人被雲隔却載蒼烟
更招白鷺一醉西門又別今回記得再折柳穿魚賞雪梅催雪
如此湖山忍教人更說

桂枝香

紫極宮寫韻軒

紫薇花露漂洒作涼雲點宮勾羽字飛仙下筆一簾風雨江

亭月現今如許有漂零墨香千古夕陽芳州落花流水依然南
浦甚兩、凌風駕帟恁天孫標致月娥眉嫵一笑生春不比
世間兒女筆味硯滴曾窺處有青山青眼如故翠箋寄與玉簫
吹徹鳳陰鶯舞

梅溪李琳

木蘭花

汴京

藥珠仙馭遠橫羽葆簇霓旌甚禽月流輝鳳雲布彩翠逸蓬瀛
舞衣怯環珮冷問梨園幾度沸歌聲夢裡芝田八駿禁中花漏
三更繁華一瞬化飛塵輦路劫灰平帳碧城烟銷紅凋霧粉
寂莫秋成興亡事空塵迹秋青山淡、夕陽明懶向沙鷗說得
柳風吹上旗亭

六么令

京中清明

澹烟疎雨香迳渺鶻鳩新晴畫簾開卷燕外寒猶力依約天涯
芳艸染得春風碧人間塵迹斜陽今古幾縷游絲趁飛蝶柳
向尊前起舞又覺春如客翠袖折取嬌紅笑與簪華疑回首青
山一點檐外寒雲疊梨花淡白柳花飛絮夢遶闌干一株雪
天下同文前甲集卷第五十

